

# Kristo da Gen Pasili Jon do Pañalon Añ İmgut

## But piso gen

On papia Jon da mandagit. Uñun Jon dagin Gen Bin Tagisi gat ae 1 Jon, 2 Jon, ae 3 Jon kisi mandagit.

On papia uñun amin da Yesu yolyol amin madepsi pañupbal awit bisapmon Jon da mandagit. Yo yokwisi añ yomgwit, nido Yesu yolyol amin uñun Yesu Kristo do Amin Taginin yañsi nandan gadañ imgwit. On papia da Yesu yolyol amin dakon nandan gadatni pañteban añaqwan jigi madep uñun da dima pabiñ yopjak yañ do yosok.

On papia da yo don noman tokdañ uñun do tilak gen morapmi yosok. Yesu yolyol amin uñun bisapmon egipgwit uñun da tilak gen nandan pisawit, mani nandan gadatni mini amin dima nandawit. Tilak gen uñun dakon mibili uñun yañ: Yesu Kristo uñun Amin Tagi, ae uñun da kisiron da Piñkop da uwalni kisi morap pabiñ yopdisak, añaq Sunduk yo kisi abiñ yipdisak. Añaq Yesu pini añ mudosak bisapmon Piñkop da miñat aminyo tebaisi agek nandan gadatni dima yipmañ degwit amin do tomni yomdisak. Añaqwan Piñkop gat egek ae sañbejek jigi dima pakdañ, nido Piñkop da yo morap aeni pañkaluk añ mudokdisak.

---

## Yesu Kristo da pañmuwukbi 7 kabi do gen yipgut

### *(Kilapmi 1–3)*

**1** <sup>1</sup>aGen on pasili tawit, bañ Yesu Kristo da pañalon agit. Yesu da oman monjini yolisak do Piñkop da imgut. Yo uñun tepmisi altokdañ. Yesu da añaqoni yabekban abiñ pi monjini nak Jonon gen on nayigit. Nak da pi monjini diwari yoliken yañon da nayigit. <sup>2</sup>Yo morap noligit uñun bamisi pindakgim. Piñkop dakon gen ae Yesu Kristo dakon gen uñun bamisi.

<sup>3</sup><sup>b</sup>Piñkop yo morap noman toni do yagit uñun dakon bisap kwañ tosoq, do amin kinda da on kombi gen pañmuwukbi do manjiñ yomjak kañ,

---

<sup>a</sup> 1.1 PA 22.6    <sup>b</sup> 1.3 PA 22.7,10

uñun kisik kisik tagi asak. Ae gen on mandabi uñun nandañek guramitni amin, uñunyo kisi kisik kisik ani.

### Jon da pañmuwukbi 7 kabi do gen mandagit

<sup>4</sup>⁠Nak Jon da pañmuwukbi 7 kabi Esia Provinskon ekwañ ji do gen on mandisat. Piñkop abisok egisak, ae kalipsigwan egipgut, ae don egipdisak uñun da nandañ yawok damañakwan butji yawori tosak. Ae wup 7 kabi Piñkop dakon kila amin madep yityit tamo da iñamon ekwañ uñunyo kisi da nandañ yawok damañakwan butji yawori tosak. <sup>5</sup>⁠Yesu Kristo, Piñkop dakon gen bamisi yañ tenñeñok amin, uñun kimoron da mibiltañ pidagit. Ae uñun kila amin madep morap miktimon ekwañ uñun dakon Amin Tagini. Uñun kisi da but yawot nandañ damañakwan butji yawori tosak.

Yesu da nin but dasi galak tañ nimisak, ae iyi dakon yawi da yokwinin wiririk mudagit. <sup>6</sup>⁠Yañ añek nin uñun gat amin kila aneñ do manjiñ nipgut, ae iyi dakon Piñkop ae Datni uñun dakon oman aneñ do mukwa sogok amini egipneñ do manjiñ nipgut. Bisap mudok mudogi mini Yesu Kristo dakon tilimni ae tapmim madepni tañ imdisak. Uñun asi.

<sup>7</sup>⁠Koni. Uñun gikwem gat kisi apdisak. Abiñakwan amin morap kisi da dabil da kokdañ. Amin morap Yesu sugawit uñun kisi da kokdañ. Añakwan amin morap miktimon ekwañ kisi da uñun do nandañek kunam bupmiyo madepsi akdañ. Asi, yo morap uñun altañ mudokdañ. Uñun asi.

<sup>8</sup>⁠Amin Tagi Piñkop Tapmim Ami, abisok egisak, ae kalipsigwan egipgut, ae don apdisak, uñun da yañ yosok, “Nak Wasok Wasoksi ae Mibisi egisat.”

### Jon da Kristo kagit

<sup>9</sup>⁠Nak Jon, ji dakon notji. Nin Yesu dakon amin kabi, ae Piñkop da Amin Kila Asak uñun da kagagwan kaloni ekwamañ, do but yaworon da jigi ae tepmiyo kaloni pamañ. Pañek kisin da dima alek tañek tebai akgamañ. Nak Piñkop dakon gen yañ tenñeñek, “Nak Yesu nandañ gadañ imisat” yañ yagim, do añek nak abidañ tap binap miktim tim Patmos uñudon nepgwit da egisat. <sup>10</sup>⁠Amin Tagi dakon gildatni Sondakon, Telagi Wup da butnokon pigi madepsi tugagit. Añakwan manjinokon nandañapbo amin kinda gen madepsi yañ tidañek kweñ da yañ yagit. <sup>11</sup>⁠Uñun amin da yañ yagit, “Yo morap pindakdal uñun papiakon mandañ yopbi pañmuwukbi 7 kabi do kini. Mandañ yopbi pañmuwukbi Epesas kokup papmon ekwañ, ae Smena, ae Pegamum, ae Taitaira, ae Sadis, ae Piladelpia ae Laodisia do kini.”

<sup>12</sup>⁠Yañban nak gen nayigit amin uñun kok do tobigim. Tobilek tenñeñ tamo gol bañ wasañbi 7 kabi pindakgim.

⁠c 1.4 TP 3.14-15; PA 3.1; 4.5    ⁠d 1.5 Kap 89.27; Kol 1.18    ⁠e 1.6 1Pi 2.9; PA 5.10; 20.6  
⁠f 1.7 Dan 7.13; Sek 12.10; Mt 24.30; Jn 19.34-37; 1Tes 4.17    ⁠g 1.8 PA 21.6; 22.13

<sup>13</sup> <sup>h</sup>Uņun da binapmon

“amin dakon monji yombem kinda”

akban kagim. Uņun imal dubakni paban pigi kandapni kisi witjigit.

Aņek nap kinda gol baņ wasaņbi baņ pibirikon aņgwasiņek wamgut.

<sup>14</sup> <sup>i</sup>Busuņi ae busuņ dangwani uņun kwakwagisi, sipsip dakon dangwan ae gik sitnaņ yombem. Ae dabilni kindap tebaisi soson uņun yombem.

<sup>15</sup> Kandapni uņun teņteņisi ain kinda mani bras kindapmon soson uņun yombem. Ae tekni nandagim uņun pakbi madepsi pokgoņ uņun dakon wiwik yombem.

<sup>16</sup> <sup>j</sup>Kisiri amin tet da gik 7 kabi timikgit. Ae emat agak siba geni teri teri ae geni tepmisi uņun gen kaganigwan da pawiņ tagit. Gildat da tebaisi wisisak uņudeņ tomno dabilni madepsi teņteņagit.

<sup>17</sup> <sup>k</sup>Nak uņun kaņek kandapnikon maņ pagek amin kimakbi da yaņ pakgim. Pagapbo kisitni amin tet da kwenokon witjiņek yaņ yagit, “Dima pasolgi. Nak Wasok Wasoksi ae Mibisi egisat. <sup>18</sup> Nak Egip Egip Egisat Amin. Nak kimakgim, mani koki, nak egip egip dagok dagogi mini egi aņaņ kisat. Kimot dakon yoma witdal, ae amin kili kimakgwit uņun dakon kokup dakon yoma witdal kisitnokon toņ. <sup>19</sup> Do gak yo pindakdal uņun dakon geni mandaki. Yo abisok toņ, ae yo don noman tokdaņ, uņun do mandaki. <sup>20</sup> Gik 7 kabi kisitno amin tet do taņba pindal, ae teņteņi tamo gol baņ wasaņbi 7 kabi yaņ pindal, uņun dakon mibili pasili toсок. Mibili uņun yaņ: gik 7 kabi uņun paņmuwukbi 7 kabi dakon aņeloni. Aņakwa teņteņi tamo 7 kabi uņun paņmuwukbi 7 kabi.”

### Epesas paņmuwukbi do gen yipgut

**2** <sup>1</sup> <sup>l</sup>Uņun da saņbeņek yaņ yagit, “Gak paņmuwukbi Epesas kokup papmon ekwaņ uņun dakon aņeloni do gen yaņ mandaki:

Nak gik 7 kabi kisitno amin tet da timigek teņteņi tamo gol baņ wasaņbi 7 kabi da binapmon agisat. Agek gen on yipbo gagon obisak.

<sup>2</sup> <sup>m</sup>Aņpak asal ae pi teban asal uņun kili nandaņ mudagim. Gak tebaisi agek amin aņpakni yokwi do dima galak taņ yomisal.

Diwari da yaņ gayiwit, ‘Ninyo kisi yabekbi’, mani uņun yabekbi dima yaņ uņun gaga kili geni kokwinigek top amin yaņ pindakgil.

<sup>3</sup> Amin da gandaba mano abidosol do yo yokwisi aņgamaņ. Mani tebaisi agek jigi uņun imegek kuraktok dima asal.

<sup>4</sup> Mani nak gak gat gen toņ. Nandaņ gadat kaluk aņil bisapmon nak do but dasi galak taņ namgul, mani abisok yaņ dima asal. <sup>5</sup> <sup>n</sup>Kalip tagisi egipgul do nandaki. Gak kili mal. Do aņpak kalip aņil uņun do aego nandaņek but tobil aņek aņpak kalip aņil uņudeņ abi. Yaņ dima

<sup>h</sup> 1.13 Dan 7.13; 10.5    <sup>i</sup> 1.14 Esi 43.2; Dan 7.9; 10.6; PA 2.18; 19.12    <sup>j</sup> 1.16 Ibr 4.12; PA 2.12; 19.15    <sup>k</sup> 1.17-18 Ais 44.6; 48.12; PA 2.8; 22.13    <sup>l</sup> 2.1 PA 1.16    <sup>m</sup> 2.2 1Jn 4.1  
<sup>n</sup> 2.5 PA 3.3

abi kaŋ, abij lamgo uŋun si gwayekeŋ. <sup>6</sup>Mani aŋpakgo tagisi kinda uŋun yaŋ; Nikolas dakon amin kabi dakon aŋpak do nandaba yokwi tok asal. Nagayo kisi uŋun amin dakon aŋpak do nandako yokwi toso.

<sup>7</sup>°Amin mirakni toŋ da Telagi Wup da paŋmuwukbi do gen yosok uŋun pakyansu nandani. Amin kinda emaron teban tosak kaŋ, nak da yaŋ dagaŋ imiŋapbo egip egip kindap walon jap paŋ nosak. Kindap uŋun Paradais kon Piŋkop da pigaga toso.

### **Smena paŋmuwukbi do gen yipgut**

<sup>8</sup>Uŋun da saŋbeŋek yaŋ yagit, “Gak paŋmuwukbi Smena ekwaŋ uŋun dakon aŋeloni do gen yaŋ mandaki:

Nak wasok wasoksi ae mibisi egisat. Nak kimakgim da aeno kalugi egisat. Gen on yipbo gagon obisak. <sup>9</sup>°Gagon jigi ae tepmiyo morapmi noman taŋ gamaŋ, ae yogo minisi da egisal, uŋun nandaŋ gamisat. Mani yogo morapmisi. Amin diwari da gen yokwi yaŋ gamaŋ uŋun nandisat. Uŋun amin da iyi do nin Juda amin yaŋ yoŋ, mani uŋun Juda amin dima, uŋun Sunduk dakon amin kabi. <sup>10</sup>°Donjok tepmi pakdisal. Mani uŋun do pasol pasol dima abi. Ji paŋkewal do Sunduk da ji da binapmon amin diwari baŋ dam tebanon yopdisak. Yaŋ aban jigi ae tepmiyo gildat 10 da aripmon pakdaŋ. Dikba kimotni do yoni kaŋ, tebaisi agek nandaŋ gadatji dima witdal kisak. Aŋakwa egip egip dakon pelit tilimi toŋ dabeŋ.

<sup>11</sup>°Amin mirakni toŋ da Telagi Wup da paŋmuwukbi do gen yosok uŋun pakyansu nandani. Amin kinda emaron teban tosak kaŋ, uŋun amin kimot da ae kinda gat aripmi dima aŋupbal asak.”

### **Pegamum paŋmuwukbi do gen yipgut**

<sup>12</sup>Uŋun da gen saŋbeŋek yagit, “Gak paŋmuwukbi Pegamum kokup papmon ekwaŋ uŋun dakon aŋeloni do gen yaŋ mandaki:

Nak emat agak siba geni teri teri ae geni tepmisi uŋun abidosot. Gen on yipbo gagon obisak. <sup>13</sup>Kokup egisal uŋudon Sunduk dakon kila amin madep yityit tamoni uŋudon toso uŋun nandisat. Mani nak dakon man abidaŋ kimokdol. Antipas, nak dakon gen dakon yaŋ teŋteŋok amin tagisi kinda, uŋun Sunduk da egisak kokupmon aŋakba kimakgit. Yaŋ aŋakwa gak uŋun bisapmon nak do wasip dima yagil.

<sup>14</sup>°Mani nak gak gat gen toŋ. Gagon amin di da Balam dakon aŋpak abidaŋ kimokgoŋ. Balam dakon aŋpak uŋun yaŋ. Kalip Balam

° 2.7 WW 2.9; PA 22.2,19 P 2.9 2Ko 11.14-15; PA 3.9 ¶ 2.10 2Ti 4.8; Jem 1.12  
r 2.11 PA 20.14; 21.8 s 2.14 IDT 22.1-25.2; 31.16; 2Pi 2.15

da Balak Israel amin paŋkewal dakon mibili iyin dekgit. Iyinj dekban Balak da Israel amin paŋkewalban yokwi aŋek kokup kidat do bit kilapyo mukwa sowit uŋun nawit. Ae yumabi kisi awit.

<sup>15</sup>Uŋudeŋ gin amin di gagon ekwaŋ uŋun Nikolas dakon amin kabi dakon geni guramikgaŋ. <sup>16</sup>Gak but tobił abi. Yaŋ di ma abi kaŋ, nak kili uŋunjok gagon obiŋek gen kaganokon emat agak siba toso k uŋun naŋ uŋun aminon emat akdisat.

<sup>17</sup>Amin mirakni toŋ da Telagi Wup da paŋmuwukbi do gen yosok uŋun pakyaŋsi nandani. Amin kinda emaron teban tosak kaŋ, nak da mana di abisok pasili toŋ uŋun ibeŋ. Ae tip kwakwagi kinda ibeŋ. Uŋun tipmon man kalugi kinda mandabi da tosak. Uŋun man amin kinda da di ma nandisak. Amin tip abidosak uŋun amin daŋin nandakdisak.”

### Taitaira paŋmuwukbi do gen yipgut

<sup>18</sup>“Uŋun da gen saŋbeŋek yagit, “Gak paŋmuwukbi Taitaira kokup papmon ekwaŋ uŋun dakon aŋelo do gen yaŋ mandaki:

Nak Piŋkop dakon Monji. Dabiłno uŋun kindap tepmisi sosok uŋun yombem, ae kandapno teŋteŋosok uŋun ain kinda mani bras sugaŋba kwakwagisi aŋ uŋun yombem. Gen on yipbo gagon obisak. <sup>19</sup>Aŋpak morap asal uŋun nandaŋ mudosot. Gak amin do but dasi galak taŋ yomisal, ae nak nandaŋ gadaŋ namisal, ae amin di wari paŋpulugok do pi asal. Nak nandisat, pi mibiltok agil uŋun yapmaŋek abisok pi madepsi asal.

<sup>20</sup>Mani nak gak gat gen toŋ. Gak Jesebel yipbi gak gat ekwamal. Miŋat uŋun da nak kombi amin kinda yaŋ yosok, mani pi monjino top paŋkewalek yumabi aŋpak, ae jap kokup kidat do paret abi uŋun noni do yoyin dekdak. <sup>21</sup>But tobił asak do nandaŋek bikbik imisat. Mani but tobił aŋek yumabi aŋpakni yipmaŋ det do di ma nandisak. <sup>22</sup>Do uŋun miŋat sot kinda ibo tepmi madepsi pakdisak. Ae amin morap uŋun miŋat gat yumabi awit but tobił aŋek uŋun miŋat dakon aŋpakni di ma yipmaŋ mudoni kaŋ, uŋunyo kisi jigi ae tepmiyo madepsi yomdisat. <sup>23</sup>“Ae monji gwayoni kisi dapbo kimotni. Yaŋ aŋapbo paŋmuwukbi kisi morap da nak da amin but ae nandak nandakyo pi ndagek ji kalon kalon aŋpak ani da ariŋmon tomni damdisat yaŋ nandaŋ namdaŋ. <sup>24</sup>Mani paŋmuwukbi di wari Taitaira ekwaŋ ji miŋat uŋun dakon gen di ma yolgaŋ, ae ‘Sunduk dakon geni pasili’ yaŋ yoŋ, uŋun dakon mibili nandak do pini di ma awit. Yaŋ dayisat, jigi kinda gat di ma dabeŋ. <sup>25</sup>Mani yo morap timikgaŋ uŋun tebaisi timigakwa wigi nak da opbeŋ dakon bisap asak.

† 2.17 TP 16.4,14-15,33-34; Ais 62.2; Jn 6.48-50    † 2.18 PA 1.14-15    † 2.20 1KA 16.31; 2KA 9.22    † 2.23 Kap 7.9; Jer 17.10; PA 20.12-13    † 2.25 PA 3.11

<sup>26</sup>ʷEmaron teban taḡek geno guramiḡakwan wiḡi bisap madep apjak amin uḡun yaḡ mudarḡ ibo miḡtim morap kila akdisak.

<sup>27</sup>ʷKila amin pini tapmimi toḡsi aḡek ain win kiriḡ naḡ uwalni pudarḡ moniḡ moniḡ akdisak, amin da miḡtim kwoba pudarḡ moniḡ moniḡ aḡ uḡun da tilagon akdisak.’

Datno da yaḡ mudarḡ namgut, uḡun da tilak uḡun amin do yaḡ mudarḡ ibeḡ. <sup>28</sup>ʷAe wisawisa do giḡ wisak uḡun kisi ibeḡ. <sup>29</sup>Amin mirakni toḡ da Telagi Wup da paḡmuwukbi do gen yosok uḡun pakyaḡsi nandani.”

### Sadis paḡmuwukbi do gen yipgut

**3** <sup>1</sup>ʷUḡun da saḡbeḡek yaḡ yaḡit, “Gak paḡmuwukbi Sadis kokup papmon ekwaḡ uḡun dakon aḡeloni do gen yaḡ mandaki:

Nak Piḡkop dakon wup 7 kabi timikdat, ae giḡ 7 kabi kisi timikdat. Gen on yipbo gagon obisak. Aḡpak morap asal uḡun kisi nandarḡ mudosot. Amin da gak do yaḡ yoḡ, ‘Sadis paḡmuwukbi kabi uḡun eḡip eḡipmi toḡsi.’ Mani kili kimakḡil. <sup>2</sup>Dipmiḡo yopbi kit! Aḡpakḡo diwari dima kimakḡwit uḡun paḡteban abi. Nido aḡpakḡo kinda Piḡkopno da dabilon kileḡisi yaḡ kinda dimasi kat. <sup>3</sup>ʷGen bami kalip nandarḡek abidagil, uḡun do aego nandabi. Nandarḡek guramiḡek but tobiḡl abi. Dipmiḡ dima yipbi kisak kaḡ, kabo noknok da tilagon apdisat. Abiḡapbo gagon opdisat dakon bisap dima nandakdisal.

<sup>4</sup>ʷMani amin kabisok kinda Sadis ekwaḡ uḡun imalni dakon kila aḡek garak dima awit. Uḡun amin kabi dakon aḡpakni kileḡisi, do imal kwakwagi paba nak gat tagi aḡipneḡ.

<sup>5</sup>ʷAmin kinda emaron teban tosak kaḡ, uḡun do kisi imal kwakwagi paḡ ibeḡ. Ae eḡip eḡip papiakon mani dima wiririkgeḡ. Datno da iḡamon ae aḡeloni da iḡamon mani yaḡ teḡteḡokeḡ. <sup>6</sup>Amin mirakni toḡ da Telagi Wup da paḡmuwukbi do gen yosok uḡun pakyaḡsi nandani.”

### Piladelpia paḡmuwukbi do gen yipgut

<sup>7</sup>ʷUḡun da saḡbeḡek yaḡ yaḡit, “Gak paḡmuwukbi Piladelpia kokup papmon ekwaḡ dakon aḡeloni do gen yaḡ mandaki:

Nak telagisi, ae aḡpak bamisi dakon ami. Nak da Dewit dakon yoma witdal abidosot. Nak da yoma witdaldat, amin kinda da ariḡmi dima

ʷ 2.26 Kap 2.8-9    ʒ 2.28 PA 22.16    ʰ 3.1 PA 1.4,16    ʰ 3.3 Mt 24.43-44; 1Tes 5.2; PA 2.5; 16.15    ʰ 3.4 Jut 23    ʰ 3.5 TP 32.32-33; Mt 10.32; Lk 12.8    ʰ 3.7 Ais 22.22

sop sopmi. Ae nak da yoma sopmanjat, amin kinda da aripmi dima witdali. Gen on yipbo gagon obisak. <sup>8f</sup>Anpak morap asal unun kili nandan mudagim. Koki! Injamgokon yoma kinda witdalbo pisolok. Ae amin kinda da aripmi dima sopjak. Nak nandisat, tapmingo madep dima, mani nak dakon gen guramigek nak dakon man do wasip dima yagil. <sup>9g</sup>Sunduk dakon amin kabi unun da iyi do nin Juda amin yan yon, mani unun Pinjokop dakon amin dima, unun top amin. Nak da unun amin yabekgo abin gak da kandap mibilon njwakbej anek nak da ji but dasi galak tan damisat yan si nandani. <sup>10h</sup>Nak dakon gen guramigek jigi altan gamgwit bisapmon butgo yawori tanakwan tebaisi akgil. Yan agil do jigi madep miktimi miktimi amin panjkewal do noman tokdisak bisapmon kilago anjapbo jigi unun dima altan gamjak. <sup>11</sup>Gagon tepmisi apdisat. Yo abidosol unun tebaisi abidoki. Amin kinda da tomnigo unun di gwayenban. <sup>12i</sup>Amin kinda emaron teban tosak kan, nak da gwak yan moko agek Pinjokopno dakon telagi yut anjeban asak. Anek Pinjokop dakon yut yipmanek aeni wanga dima pigisak. Unun aminon Pinjokopno dakon man, ae Pinjokopno dakon kokup pap dakon man mandakej. Kokup pap unun Jerusalem kalugi, unun Kwen Kokup yipmanek Pinjokopnokon da pikdisak. Ae naga dakon mano kalugi kisi unun aminon mandakdisat. <sup>13</sup>Amin mirakni ton da Telagi Wup da panmuwukbi do gen yosok unun pakyansi nandani.”

### Laodisia panmuwukbi do gen yipgut

<sup>14</sup>Unun da sanjbej yan yagit, “Gak panmuwukbi Laodisia kokup papmon ekwan unun dakon aneloni do gen yan mandaki:

Nak Pinjokop dakon geni gat ae yan teban tok geni gat do gen unun asisi yan yogok amin. Nak Pinjokop dakon gen bamisi yan tentenok amin. Bisapmi bisapmi geni bamisi gin yan tentenosot. Pinjokop da yo morap wasagit dakon mibilisi nak da gen on yipbo gagon obisak. <sup>15j</sup>Anpak morap asal unun kisi nandan mudosot. Nak nandisat, gak mirimi dima, ae tedepmi dima. Gak da mirimi bo ae tedepmi egipbi do nandisat. <sup>16</sup>Mani dima. Gak tedepmi yangok egisal. Gak tedepmisi dima ae mirimisi yo dima. Yan do anek gen kaganokon da gak wanditdisat. <sup>17k</sup>Gak ‘Monenno morapmi ae yo kabino morapmi ton. Yo kinda do wadak wadak dima asat’ yan yosol. Mani dima. Amin da bupmisi nandan gamni da tilagon yokwisi egisal. Gak yogo minisi da egisal, ae dabilgo mini, ae molan molan agisal. Anek gaga dima nandabi pisolok. <sup>18l</sup>Yan do anek nawa gen on gamisat. Nak dakon golno kindapmon

<sup>f</sup> 3.18 1Ko 16.9    <sup>g</sup> 3.9 Ais 45.14; 49.23; 60.14; PA 2.9    <sup>h</sup> 3.10 Lk 21.19; 2Ti 2.12

<sup>i</sup> 3.12 Ais 62.2; 65.15; PA 14.1; 21.2    <sup>j</sup> 3.15 Ro 12.11    <sup>k</sup> 3.17 Lk 12.21; 1Ko 4.8

<sup>l</sup> 3.18 Ais 55.1

sonja gwaljigi minisi anj unjun gol banj yubi kanj, monenjo morapmisi tanj gamdanj. Ae giptingo wam do imal kwakwagi banj yubi kanj, amin da gandaba molanj dima agipbi, ae mayagigo mini. Ae dabil marasin di yumarjek dabilgokon yopbi kanj, tagisi sintokdisal. <sup>19m</sup>But dasi galak tanj yomisat amin unjun tebai yoyinjek anpakni panjkilek ani do jigi yomisat. Do anpakgo panjkilek ak do pi tebai anjek but tobil abi.

<sup>20 n</sup>Nandaki! Nak yomakon agek yoma domon tidanjek yanj yosot: Nak yutnon tagi wikenj? Amin kinda tekno nandanjek yoma witdaljak kanj, nak wigiko unjun gat egek jap nondej.

<sup>21</sup>Amin kinda emaron teban tosak kanj, unjun amin do yanj daganj ibo kila amin madep yityit tamonokon nak gat kisi yitdej. Kalip nak da emaron teban tanjek Datno gat kisi kila amin madep yityit tamonikon yikgim unjudej yitdej. <sup>22</sup>Amin mirakni toj da Telagi Wup da panjmuwukbi do gen yosok unjun pakyansj nandani.”

## **Sipsip Monij da Kwen Kokupmon Papia Kinda Witdalakwan Miktim Aminon Yo Yokwisi Noman Tokdanj** *(Kilapmi 4–11)*

### **Kwen Kokupmon Pinjkop gawak imanj**

**4** <sup>1 o</sup>Unjun da kwenon aeno kanjapbo Kwen Kokupmon yoma kinda witdal kigit da tanjan kagim. Kanjapbo amin unjun kalip nak do kwenj da yanj tebaisi yanj tidanjek yanj namgut unjun da yanj yagit, “Idon wijaki yo morap don altokdanj goliko.” <sup>2 p</sup>Nayinban unjudon gin Telagi Wup da butnokon pigi madepsi tugagit. Anjakwan Kwen Kokup kila amin madep yityit tamo kinda tanjan kagim. Unjun tamokon amin kinda yikban kagim. <sup>3 q</sup>Unjun amin tip jaspae ae tip gami konilian da yanj tenjenagit. Kilap banj kinda da kila amin madep yityit tamo unjun anjwasigit. Kilap banj kildani unjun tip kalikaligi emeral yanj. <sup>4 r</sup>Kila amin madep yityit tamo 24 kabi da kila amin madep yityit tamo unjun anjwasinjek tanja pindakgim. Unjun tamokon kila amin 24 kabi da yikgwit. <sup>5 s</sup>Unjun kila amin imalni kwakwagi banj pawit, ae busunikon pelit kildani toj gol banj wasanji banj pawit. <sup>5 t</sup>Kila amin madep yityit tamokon da mal dakon tenjenj da yangwit. Anjakwa nandanjapbo wuwik madepsi noman tanjakwa kiririnj agit. Kila amin madep yityit tamo noman da kalinj 7 kabi sowit. Kalinj unjun Pinjkop dakon wupni 7

---

<sup>m</sup> 3.19 1Ko 11.32; Ibr 12.6; PA 2.5    <sup>n</sup> 3.20 Jn 14.23    <sup>o</sup> 4.1 PA 1.1,10    <sup>p</sup> 4.2 Ais 6.1  
<sup>q</sup> 4.3 Esi 1.28    <sup>r</sup> 4.4 PA 3.18    <sup>s</sup> 4.4 Unjun kila amin unjun anjelo man madepni toj kabi kinda do yosok.    <sup>t</sup> 4.5 Esi 1.13; Sek 4.2; PA 1.4; 8.5; 11.19; 16.18



kabi. <sup>6</sup>“Kila amin madep yityit tamo noman da yo kinda tagit, unun tap idap daman glas ban wasanbi yombem, ae wagil kwakwagisi.

Yo 4 kabi egip egipmi ton unun kila amin madep yityit tamo dakon ileŋi 4 kabikon akgwit. Yo 4 kabi unun burikon ae manjikon kisi dabil morapmi da giptimi kisi ilimikgwit. <sup>7</sup>Yo egip egipmi ton kinda unun laion yombem. Ae kinda unun bulmakau wili yombem. Ae kinda unun tomno dabilni amin dakon yombem. Ae kinda unun singiŋ madep kwen agegisak yombem. <sup>8</sup>Yo 4 kabi egip egipmi ton kalon kalon unun kisi piri 6 kabi tan yomiŋ yomiŋ awit. Anakwa giptimi kalon dabil morapmi da ilimikgwit. Ae piri da mibilgwan kisi tawit. Gildari ae kalbi kisi ak nandari mini yan yon,

“Telagi, telagi, telagi.

Amin Tagi Piŋkop Tapmim Ami kalipsi egipgut,  
ae abisok egisak,  
ae don apdisak,  
unun telagisi” yan yon.

<sup>9</sup>Yo egip egipmi ton kabi unun da Amin unun kila amin madep yityit tamonikon yikdak ae egip egip dagok dagogi mini egisak unun do kisik kisik madepsi anek mani awigek ya yan iyan. Bisapmi bisapmi yo 4 kabi egip egipmi ton unun yan anakwa <sup>10</sup>“kila amin 24 kabi da Amin unun kila amin madep yityit tamokon yikdak unun da buron man pokgon. Man pagek egip egip dagok dagogi mini egisak Amin unun gawak iman. Ae pelitni kildani ton gol ban wasanbi unun kila amin madep yityit tamo tosok unudon noman ilik yopmanek kap yan yon,

<sup>11</sup>“Amin Tagi Piŋkopnin,

gak da yo morap galaktokgokon wasagil da abisok ton.  
Yan agil do miŋat amin morap kisi da gak do kisik kisik madepsi  
anek mango awigini,  
ae tapmingo madepsi da yongamgwan piŋbi egipni kan tagisi.”

### Jon da papia kinda kili sogwit kagit

**5** <sup>1</sup>“Amin unun kila amin madep yityit tamokon yikgit unun kisitni amin tet do papia gironikbi kinda tanban kagim. Papia unun teri teri kildani ton, ae kendol pakbi ban kosiri 7 kabi anteban abi.

<sup>2</sup>Ae anelo tapmimi tonji kinda kanapbo gen papmon da yan tidanek yan yagit, “Namin amin kilegisi kinda dasi kendol pakbi ban anteban abi pakdegek papia tagi witaljak?” <sup>3</sup>Mani amin Kwen Kokup ekwan, bo ae miktimon ekwan, bo ae miktim da mibiligwan ekwan kinda da papia unun aripmi dima witaljak bo ae aripmi dima kosak. <sup>4</sup>Nak papia unun amin kinda da aripmi dimasi witaljak bo ae kosak yan kanek

<sup>u</sup> 4.6 Esi 1.5-10,22; 10.14    <sup>v</sup> 4.8 Ais 6.2-3; Esi 1.18; 10.12    <sup>w</sup> 4.10 PA 19.4

<sup>x</sup> 5.1 Ais 29.11; Esi 2.9-10

kunam madepsi saṅbek saṅbek morapmi takgim. <sup>5</sup>Yañ aṅapbo kila amin kabikon da kila amin kindā da yaṅ nayigit, “Gak kunam dima takgi. Koki! On Laion Juda amin kabikon altagit, uṅun Dewit dakon babinikon gugi uṅun da don noman taṅ wigit. On Laion emaron teban tagit. Yaṅ agit do uṅun da papia kendol pakbi baṅ kosiri 7 kabi paṅteban abi uṅun pakdegek tagi witdaljak.”

### Jon da Sipsip Moniṅ kagit

<sup>6</sup>Yañ nayiṅakwan Sipsip Moniṅ kindā akban kagim. Uṅun paret ak do si aṅakba kimakgit yombem. Uṅun kila amin madep yityit tamo da binapmon agakwan yo 4 kabi egip egipmi toṅ gat ae kila amin gat da aṅgwasiwit. Sipsip Moniṅ uṅun jomni 7 kabi, ae dabilni 7 kabi. Dabilni uṅun Piṅkop dakon wupni 7 kabi. Uṅun Piṅkop da yabekban miktimi miktimi kiṅ mudawit. <sup>7</sup>Kili Sipsip Moniṅ da kila amin madep yityit tamokon kiṅ Amin yikgit da kisiri amin tet do papia tagit uṅun abidagit. <sup>8</sup>“Papia uṅun abidaṅakwan yo 4 kabi egip egipmi toṅ, ae kila amin 24 kabi gat da Sipsip Moniṅ da kapmatjok maṅ pakgwit. Kisisi kalon kalon gita moniṅni gat ae gol idapni gat timik timik awit. Gol idapmon yo kibaṅi tagisi tugawit, uṅun Piṅkop dakon miṅat amin kabiyo dakon bisitni.

<sup>9</sup>Yañ aṅek kap kalugisi kindā yaṅ yawit,

“Gak da papia giroṅkibi abidaṅek kendol pakbi baṅ paṅteban abi uṅun aripmi tagi pakdekgi.

Nido gikba kimagek yawigo naṅ miṅat aminyo Piṅkop do im do aṅek yumaṅ nagil.

Asi, amin mibili mibili ekwaṅ,

ae geni mibili mibili,

ae giptimni mibili mibili,

ae miktimi miktimi ekwaṅ kisi yumaṅ nagil.

<sup>10</sup>Yumaṅ naṅek amin kila ani do manjiṅ yopgul,

ae nin dakon Piṅkop dakon oman ani do mukwa sogok amini manjiṅ yopgul.

Uṅun da kila amin madep egek miktimon amin kilani akdaṅ.”

### Sipsip Moniṅ dakon man aṅkisiwit

<sup>11</sup>Kili aeno kaṅ egapbo aṅelo morapmisi dakon geni nandagim. Uṅun aṅelo dakon tilakni milion morapmisi ae tausen morapmisi da arip. Uṅun aṅelo kila amin madep yityit tamo ae yo egip egipmi toṅ ae kila amin kabi baṅ paṅgwasinek akgwit. <sup>12</sup>Yañ tidaṅek kap kindā yaṅ yawit,

y 5.5 WW 49.9; Ais 11.1,10; PA 22.16    z 5.6 Sek 4.10; Jn 1.36; PA 13.8    a 5.8 Kap 141.2; PA 8.3-4    b 5.9 Kap 33.3; 40.3; 96.1; 98.1    c 5.10 TP 19.6; Ais 61.6; PA 1.6; 20.6  
d 5.11 Dan 7.10; Ibr 12.22

“Sipsip Moniņ on kalip aņakba kimakgit.

Uņun da man madep gat,

ae yo tagisisi morap gat,

ae nandak nandak tagisi gat,

ae tapmimi wukwisi uņun kisi tagi timitjak.

Amin morap kisi da mani aņenagek kisik kisik aņ imiņek ya yaņ iyini kaņ uņun kilegisi.”

<sup>13</sup>Ae yo morap Piņkop da wasagit uņun dakon geni kisi nandagim. Yo morap Kwen Kokup ekwaņ, ae miktimon ekwaņ, ae miktim kagagwan ekwaņ, ae tap kaga ekwaņ kisi dakon geni nandagim. Uņun da yaņ yawit,

“Amin uņun kila amin madep yityit tamonikon yikdak,

ae Sipsip Moniņ gat kisi,

nin jil dakon tilim gat ae tapmim gat pindagek kisik kisik aņek dagok dagogi mini man madep damamaņ.”

<sup>14</sup>Aņakwa yo 4 kabi egip egipmi toņ uņun da yaņ yawit, “Uņun asi.” Yaņ yaņakwa kila amin kabi da maņ pagek gawak yomgwit.

### Sipsip Moniņ da kendol baņ papia soņ aņteban awit uņun pakdekgit

**6** <sup>1</sup>eNak kaņapbo Sipsip Moniņ da papia giroņikbi abidaņek kendol pakbi baņ kosiri <sup>7</sup>kabi paņteban abi uņun mibiltok nani pakdekgit. Pakdegakwan yo egip egipmi toņ 4 kabikon da kinda gen yagit. Geni uņun kiririņ da yaņ yagit, “Gak op.” <sup>2</sup>fAeno kaņek os kwakwagi kinda kagim. Uņun da kwenon amin kinda obipni abidaņek yikgit. Uņun amin do kila amin madep dakon pelit kinda imgwit. İba emaron teban tagit da tilagon kigit. Kiņek emat morapmi sigin aņek teban token yaņon da nandaņek kigit.

<sup>3</sup>Sipsip Moniņ da kendol pakbi baņ papia aņteban abi 2 uņun pakdekgit. Pakdegakwan yo egip egipmi toņ 2 uņun da yagit, “Gak op.”

<sup>4</sup>Yaņakwan os gami kinda apban kagim. Uņun da kwenon amin yikgit uņun do tapmim ibi. Uņun tapmim uņun on miktimon yawori tosok uņun paņdagosak dakon tapmim. Paņdagaņban amin da notni dapmaņ dapmaņ aņek kimotdaņ. Uņun pi asak do emat agak siba madepsi kinda imgwit.

<sup>5</sup>Kili ae Sipsip Moniņ da kendol pakbi baņ papia aņteban abi 3 uņun pakdekgit. Pakdegakwan yo egip egipmi toņ 3 uņun da yagit, “Gak op.” Yaņakwan os pilisi kinda kagim. Uņun da kwenon amin kinda yikgit, uņun jap kokwin agak yo kinda kisirikon abidagit. <sup>6</sup>Aņakwan amin dakon tek yombem kinda nandaņapbo yo egip egipmi toņ 4 kabikon da yaņ yagit, “Amin kinda gildat daman kinda dakon pi asak dakon tomni timitjak uņun wit yiņi moniņisok kinda gin abidosak, bo bali kwoba kapbi gin timitjak. Mani gak olip nelak gat ae wain gat dima paņtasik abi.”

e 6.1 PA 4.6; 5.1 f 6.2-5 Sek 1.8; 6.1-6

<sup>7</sup>Sipsip Moniŋ da kendol pakbi baŋ papia aŋteban abi 4 uŋun pakdekgit. Pakdegakwan nandaŋapbo yo egip egipmi toŋ 4 da yaŋ yagit, “Gak op.” <sup>8</sup>Yaŋakwan os kilonkiloni kinda kagim. Uŋun da kwenon amin kinda yikgit uŋun mani Kimot. Amin Kili Kimakgwit Dakon Kokupni uŋun kapmatjok da yolgit. Amin miktimi miktimi ekwaŋ kokwin 4 kabi aŋek kabi kinda dapbal kimotni do tapmim yobi. Diwari emat agak siba baŋ dapbal kimotni, ae diwari jap do madepsi aŋek kimotni, ae diwari sot yokwisi da timitjak, ae diwari joŋ bit kilapyo da dapmaŋ noni.

<sup>9</sup>Sipsip Moniŋ da kendol pakbi baŋ papia aŋteban abi 5 uŋun pakdekgit. Pakdegakwan amin kimakgwit dakon wupni alta da mibilgwan pindakgim. Kalip uŋun amin da Piŋkop dakon gen tebaisi abidaŋek uŋun dakon yaŋ tenŋeŋok aŋakwa uwal da dapba kimakgwit. <sup>10</sup>Amin wup uŋun da tebaisi yaŋ tidaŋek yaŋ yawit, “Amin Tagi Tapmim Ami, gak telagisi egisal, ae aŋpakgo wagil bamisi gin. Nin bisap niaŋdasi gak do jomjom aŋapno miktim amin gen pikon yopmaŋek yawinin dakon kobogi yobi?” <sup>11</sup>Yaŋba uŋun amin do paba pigik dubagi kwakwagisi kalonŋ kalonŋ yomiŋek yaŋ yoyiwit, “Ji jomjom piŋipmisok ani. Uwal da oman amin pi isalji gat, ae notji gat dapdaŋ. Ji dikba kimakgwit, yaŋ gin dapba kimotdaŋ. Amin niaŋ da dapdaŋ uŋun Piŋkop da kili manjigit. Uwal da uŋun kisisi dapmaŋ mudanaŋkwa don Piŋkop da yawisi dakon kobogi yomdisak.”

<sup>12</sup><sup>i</sup>Sipsip Moniŋ da kendol pakbi 6 papia aŋteban awit uŋun pakdekgit. Pakdegakwan miktim wudip madepsi agit. Aŋakwan gildat dabil yik garaŋ yombem pilisi agit, ae kanek gimaniŋi yawi yombem agit. <sup>13</sup><sup>j</sup>Aŋakwan gik kundukon toŋ miktimon mawit. Gik mawit uŋun pik kindap dakon sopmi dima pek taŋakwa mirim da piŋonakwa moŋ uŋun da tilak mawit. <sup>14</sup><sup>k</sup>Aŋakwa papia gironŋik yopmaŋgamaŋ, uŋun da tilagon kundu si kiŋ pasilgit. Aŋakwan kabap gat ae tap binap miktim tim toŋ uŋun tamoni yopmaŋ degek duwalik kiwit. <sup>15</sup><sup>l</sup>Aŋakwa miktim dakon kila amin madep gat, ae amin man madepni toŋ gat, ae emat amin dakon mibiltok amini gat, ae yoni morapmi amin gat, ae amin tapmimi toŋ gat, ae oman amin, ae amin morap isal ekwaŋ, uŋun kisisi pasal kiŋ tip gopbatgwan ae kabapgwan tip madep toŋ uŋun da mibiligwan pasil do kiwit. <sup>16</sup><sup>m</sup>Aŋek kabap gat ae tip gat do yaŋ tidaŋek yawit, “Ji nin da kwenon maŋ witjiŋ nimiŋakwa pasili egipneŋ. Pasili egapno Amin uŋun kila amin madep yityit tamonikon yikdak uŋun dima nindasak, ae Sipsip Moniŋ butjap damani nandaŋek kobogi yokwi dima nimjak. <sup>17</sup><sup>n</sup>Amin do

g 6.8 Jer 15.1-3; Esi 5.12,17; 14.21 h 6.11 PA 7.9,13; 19.14 i 6.12 Mt 24.29; Ya 2.20; PA 8.12; 11.13; 16.18 j 6.13 Ais 34.4 k 6.14 PA 16.20 l 6.15 Ais 2.10,19,21 m 6.16 Lk 23.30 n 6.17 Jol 2.11; Mal 3.2

butjap madepsi nandaḡek kobogi yokwisi yomdamal dakon gildat madep kili uḡun abik. Namin amin dasi tapmimni uḡun abinḡ yipmanḡek tagi egipjak?”

### Israel amin 144 tausen da Piḡkop dakon tilak abidawit

**7** <sup>1</sup>Uḡun da kwenon aḡelo 4 kabi miktim dakon kodigi 4 kabikon akba pindakgim. Mirim da miktim gat ae tap gat ae kindap gat dima pisoni yaḡ do mirim 4 kabi uḡun tebaisi timikgwit. <sup>2</sup>Yaḡ aḡakwa aḡelo kinda gildat wisak tetgin da apban kagim. Uḡun da Piḡkop egip egipmi toḡ dakon tilak aminon yop do yo kinda abidaḡek apgut. Abinḡek aḡelo 4 kabi Piḡkop da miktim gat tap gat paḡtasik ani do tapmim yomgut uḡun do madepsi yaḡ tidagit. <sup>3</sup>Yaḡ tidaḡek yaḡ yagit, “Ji miktim ae tap ae kindap tepmisi paḡtasik ak do dima nandani. Mibiltok Piḡkopnin dakon tilak pi monjini da iḡamon yopdamaḡ. Yaḡ aḡapno don yo morap tagi paḡtasik ani.” <sup>4</sup>Ae nandaḡapbo amin tilak timikgwit dakon tilak yaḡba nandagim. Israel amin kabi morap da binapmon amin 144 tausen da tilak uḡun timikgwit.

<sup>5</sup> Juda amin kabikon amin 12 tausen da timikgwit.

Ae Ruben da kabikon 12 tausen  
ae Gat da kabikon 12 tausen

<sup>6</sup> ae Ase da kabikon 12 tausen  
ae Naptali da kabikon 12 tausen  
ae Manase da kabikon 12 tausen

<sup>7</sup> ae Simeon da kabikon 12 tausen  
ae Liwai da kabikon 12 tausen  
ae Isaka da kabikon 12 tausen

<sup>8</sup> ae Sebulan da kabikon 12 tausen  
ae Josep da kabikon 12 tausen  
ae Benjamin da kabikon 12 tausen.

Uḡun amin da Piḡkop dakon tilak timikgwit.

### Miḡat amin morapmi da Piḡkop gawak imḡwit

<sup>9</sup>Ae uḡun da kwenon amin morapmisi pindakgim, uḡun manjiri mini. Amin uḡun amin kabi kabi egi egi aḡ uḡun morap kisi dakon. Ae miktim morap kisi, ae giptim mibili mibili, ae gen mibili mibili uḡun kisi kila amin madep yityit tamo, ae Sipsip Monji da iḡamon akgwit. Uḡun ilikba pigik kwakwagisi ae dubagi baḡ pawit. Ae kisirikon jopbaḡ tam baḡ timikgwit. <sup>10</sup>Uḡun amin kabi madep tebaisi yaḡ tidaḡek yaḡ yawit,

“Piḡkopnin kila amin madep yityit tamonikon yikdak, ae Sipsip Moniḡ kisi uḡun dagin nin yokwikon baḡ timikbal tagisi ekwamaḡ.”

◦ 7.1 Jer 49.36; Dan 7.2    p 7.3 Esi 9.4,6; PA 9.4    q 7.4 PA 14.1,3    r 7.10 PA 5.6-7

<sup>11</sup> Añakwa aηelo morap kila amin madep yityit tamo, ae kila amin, ae yo 4 kabi egip egipmi toη uηun paηgwasinek akgwit. Agek kila amin madep yityit tamo kaηek maη pagek tomno dabilni miktingwan yopmaηek Piηkop gawak imgwit. <sup>12</sup> Aηek yaη yawit, “Uηun asi! Nin dagok dagogi mini Piηkopnin do ya yaη iyinek kisik kisik madepsi aηek man madepni do yaη teηteηoneη. Dagok dagogi mini nandaη kokwini tagisi, ae tapmim madepni taη imdisak. Uηun asi!”

### Uηun amin kabi dakon tepmi kili uηun mudosok

<sup>13</sup> Kila amin kabikon da kinda da yaη nayigit, “On amin ilikba pigik dubak kwakwagi payiη uηun namin? Ae dukwan da abeη?”

<sup>14</sup> “Yaηban iyigim, “Amin tagi, gaga nandisak.”

Yaηapbo yaη nayigit, “On amin uwal da kisiron jigi tepmiyo madepsi pawit da abisok tagi ekwaη. Imalni Sipsip Moniη dakon yawi baη sugaηba kwakwagisi awit. <sup>15</sup> Yaη awit do aηek Piηkop dakon kila amin madep yityit tamokon noman akaη. Gildari ae kalbiyo Telagi Yut Madepnikon egek omani aη imaη. Piηkop kila amin madep yityit tamokon yikdak, iyι uηun gat egek paηkutnosak. <sup>16</sup> “Jap do ae dima akdaη, ae pakbi do dima akdaη. Gildat da giptimni tebai dima pindatjak, ae yo kinda da giptimikon pindakban tedepmi dima nandakdaη. <sup>17</sup> “Nido, Sipsip Moniη kila amin madep yityit tamo da binap yikdak, uηun da kila amini egipdisak. Aηek pakbi egip egipmi toη da dabilikon uηudon paηkikdisak. Añakwan Piηkop da dabil pakbini kisisi wiririkban kunam saηbeηek dima tatdaη.”

### Sipsip Moniη da kendol pakbi baη paηteban abi 7 uηun pakdekgit

**8** <sup>1</sup> Sipsip Moniη da kendol pakbi 7 papia aηteban awit uηun pakdekgit. Pakdegakwan Kwen Kokupmon wayiηi minisi tagit. Yaη taηakwan wigi 30 minit da tilak agit. <sup>2</sup> Ae koko aηelo 7 kabi Piηkop da iηamon akaη uηun do kweη 7 yaη yoba timikgwit.

<sup>3</sup> “Añakwa ae aηelo kinda alta da kapmatjok paηki akgit. Uηun aηelo gol idap kinda yo kibaηi tagisi uηudon idawik mukwa kibaηi tagisi sok do abidagit. Añakwan yo kibaηi tagisi morapmisi imgwit. Iba Piηkop dakon amin dakon bisit gat timik kakwaηek alta gol baη wasaηbi Piηkop dakon kila amin madep yityit tamokon noman tosok, uηudon mukwa soη imgut. <sup>4</sup> Yaη añakwan mukwa kibaηi tagisi gat, ae Piηkop dakon amin dakon bisitni gat, aηelo da kisiron da Piηkop da iηamon wigiwit.

<sup>s</sup> 7.12 PA 5.12    <sup>t</sup> 7.14 Dan 12.1; Mt 24.21    <sup>u</sup> 7.16 Ais 49.10    <sup>v</sup> 7.17 Kap 23.2; Ais 25.8; PA 21.4    <sup>w</sup> 8.3 TP 30.1-3; PA 5.8

<sup>5x</sup>Añakwa añelo da kindap altakon tagit unun abidanj mukwa sokso idapgwaw yopban tugañba kindap maban miktimon mawit. Miktimon mañakwa mal dakon tenjenji da yamgwit. Añakwa nandañapbo wuwik madepsi noman tañakwa kiririnj agit, ae miktim wudip agit.

#### Añelo 4 kabi da kweñ pisowit

<sup>6</sup>Añakwan añelo 7 kabi unun kweñ 7 kabi timikgwit unun pisok do tagap tawit.

<sup>7y</sup>Añelo mibiltok akgit unun da kweñni pisonjakwan ais ae kindap ae yawi gat pañkolop abi gat kisi miktimon mawit. On miktim daman ae kindapyo kokwin aba kabi kapbi añakwa miktim kabi kinda sogit, ae kindap dakon kabi kinda sogit. Ae joñ kaluk kalugi kisisi soñ mudawit.

<sup>8</sup>Ae añelo unun da buñon nani kweñni pisogit. Añakwan yo kinda kabap madepsi yombem si soñakwan, maba tap kaga pigi magit. Unun tap kokwin aba kabi kapbi añakwa kabi kinda yawi dagagit. <sup>9</sup>Ae yo egip egipmi toñ tap kagagwan ekwan unun kokwin aba kabi kapbi añakwa kabi kinda si kimakgwit. Ae tap wakga yo kisi kabi kapbi kokwin añakwa tap wakga kabi kinda wagilsi tuwil ki tasik tawit.

<sup>10</sup>Ae añelo 3 kweñni pisogit. Añakwan gik madepsi kinda kaliñ da yañ soñek kundu yipmanj abinj magit. Unun pakbi madep madep pokgoñ unun kabi kapbi yañ kokwin awiron kabi kindakon magit. Ae pakbi dabilon magit. <sup>11z</sup>Gik unun dakon mani unun Yo isipmi ae Emari Toñ. Unun abinj pakbi kabi kindakon mañakwan pakbi unun isipmisi agit, do amin morapmisi pakbi unun nañek kimakgwit.

<sup>12a</sup>Ae añelo 4 kweñni pisogit. Añakwan gildat ae kanek ae gikyo unun kokwin aba kabi kapbi añakwa gildat kabi kinda ae kanek kabi kinda ae gik morap dakon kabi kinda pañupbal añakwan pilin tuk awit. Yañ awit do gildari dakon ae kalbi dakon tenjenji tagi dima tenjenjawit.

<sup>13b</sup>Unun da kwenon siñginj madepsi kinda kwen binap akwan kagim. Siñginj unun madepsi yañ tidanek yañ yagit, “Bupmisi, bupmisi, bupmi madepsi miktimon ekwanj amin. Añelo kapbi kweñni pisokdanj, añakwa miktimon amin jigi madepsi pakdanj.”

#### Añelo 5 kweñni pisogit

**9** <sup>1c</sup>Añelo 5 unun kweñni pisonjakwan gik kinda kundukon da abinj miktimon kili magit kagim. Gapma dubagisi ae kidagi mini unun dakon yoma witaldal unun gik do imgwit. <sup>2d</sup>Añakwa gik da gapma unun witaldalakwan unun gapmagwan da kindap madepsi sosok dakon mukwa

x 8.5 TP 19.16-19; MS 16.12; PA 11.19; 16.18 y 8.7 TP 9.23-26; Esi 38.22; Jol 2.30

z 8.11 Jer 9.15 a 8.12 Esi 32.7; PA 6.12-13 b 8.13 PA 9.12; 11.14 c 9.1 PA 20.1

d 9.2-3 WW 19.28; TP 10.12-15; Jol 2.2,10

da wigit. Mukwa gapmagwan da wigit unun da gildat dabil gat ae kundu gat dakon kosit sopmanjakwan pilin tuk agit. <sup>3</sup>Añakwan pilak pilak da mukwa kagagwan da miktimon mawit. Unun pilak pilak do skopion dakon tapmim yomgwit. <sup>4</sup>Pilak pilak unun yan yoyiwit, “Ji jon gat, ae yo mibili mibili miktimon kwon gat, ae kindap gat unun dima panjupbal ani. Ji amin Pinokop dakon tilakni inamikon mini unun ban gin panjupbal ani. <sup>5</sup>Ji unun amin tepmi pi madepsi kanek 5 da butgwan tagi yomni, mani dima dapba kimotni.” Tepmi pi yomni unun skopion da amin injin yoba tepmi madepsi pan unun da tilagon yomdan. <sup>6</sup>Unun bisapmon amin kimot do kosit wisik akdan, mani kimot dima kokdan. Kimot do tagisi nandakdan, mani sigin egipdan.

<sup>7</sup>Pilak pilak unun os amin da emat do panthagap an yombem pindakgim. Busunikon pelit gol ban wasanbi yombem da tan yomgwit. Tomno dabilni unun amin dakon yombem. <sup>8</sup>Busun danjwani unun dubagisi minjat dakon yombem, ae geni unun laion dakon yombem. <sup>9</sup>Paba pigik ain yombem ban pibiri witjiwit. Piri unun karis morapmi os da emaron kik do ilik pawilakwa wuwik madepsi noman ton unuden awit. <sup>10</sup>Paljigi skopion dakon yombem, pakbi emari ton aminon yopban pigini dakon kisikni paljigikon tan yoman. Kanek 5 yan amin tepmi madepsi yomyom dakon tapmim tan yoman. <sup>11</sup>Gapma dubagisi kidagi mini dakon aneloni da kila amin madepni egi yomgut. Ibru genon da unun anelo do Abadon yan yawit. Ae Grik genon da Apolyon yan yawit. Unun gen dakon mibili: Yo Morap Pantasik Ak Amin.

<sup>12</sup>Jigi mibiltok altogi, kili unun altañ mudak. Nandabi. Jigi bamori don noman tokdamal.

### Añelo 6 kweñni pisogit

<sup>13</sup>Añelo 6 kweñni pisonakwan gen kinda noman tanban nandagim. Alta gol ban wasanbi, Pinokop da inamon tosok, unun dakon kodigi 4 kabikon jom 4 kabi tawit unudon da yagit. <sup>14</sup>Gen unun altagit da anelo kweñ abidagit unun yan iyigit, “Añelo 4 kabi pakbi madep Yupretiskon panteban awit da ekwan unun wital yopbi kini.” <sup>15</sup>Yanban anelo 4 kabi unun kin amin morap miktimon ekwan unun kabi kapbi kokwinigek, kabi kinda si dapba kimotni do wital yopgut. Anelo kabi unun kili noman tawit da pi unun ak do awa ae gildat, kanek, ae bilakyo dogin jomjom awit. <sup>16</sup>Ae nandanapbo emat amin oskon yikgwit dakon tilakni yawit, unun 200 milion yan. Tilakni nandanapbo yawit. <sup>17</sup>Unun dipmin yombem kanek os gat ae amin os kwenon yikgwit, unun yan pindakgim: amin unun emat dakon yik imalyo pawit. Paba pigik unun gami, ae pili, ae kilonkilonji ban pawit. Os dakon busunji unun laion dakon busunji

e 9.4 PA 7.3 f 9.6 Jop 3.21; Jer 8.3 g 9.7 Jol 2.4 h 9.8 Jol 1.6 i 9.9 Jol 2.5



yombem. Anjakwa os da gen kagagwan da mileŋ asip ae mukwa ae salfa tip si soŋek wiwit. <sup>18</sup>Uŋun amin kokwin kabi kapbi aŋek, yo yokwi kapbi uŋun os da gen kagagwan da altawit da miŋat aminyo kabi kinda dapba kimakgwit. <sup>19</sup>Os uŋun dakon tapmimni gen kagani gat ae paljigi garon tawit. Paljigi uŋun tuŋon amin emari toŋ yombem. Paljigi diwarikon tuŋon amin dakon busuŋi toŋ, do uŋun baŋ amin paŋupbal awit.

<sup>20</sup>J'Amin diwari uŋun yo yokwisi kapbi da dima dapba kimakgwit amin but tobiŋ dima awit. Koŋ gat ae kokup kidat iyi kisit da wasawit gat sigin gawak yomgwit. Kokup kidat uŋun gol ae silwa ae ain kinda mani bras ae tip ae kindap baŋ wasawit, uŋun dima siŋtoŋ ae gen dima nandaŋ ae kosit dima akwaŋ. <sup>21</sup>Uŋun amin da amin diwari dapba kimakgwit, ae sot mawomyo aŋek yo tapmimi toŋ diwari pawilgwit, ae yumabi awit, ae amin diwari dakon yo kabi paŋkisibiwit. Mani but tobiŋ aŋek yo uŋun yop do dima nandawit.

#### Aŋelo da papia Jon do iban nagit

**10** <sup>1</sup>Ae kaŋapbo aŋelo tapmimi toŋ kinda Kwen Kokup da pigit. Uŋun giptimi gikwem naŋ wamgut, ae busuŋi da kwenon kilap baŋ kinda tagit. Tomno dabilni gildat da yaŋ teŋteŋagit. Anjakwan kandap bamotni mileŋ asip yombem. <sup>2</sup>Uŋun aŋelo papia giroŋjikbi moniŋ kinda kisirikon abidagit, ae papia uŋun witdal kwi da tagit. Uŋun kandapmi amin tetgin do tap kwenon yipgut, aŋek kandapmi teri kinda miktimon bamagit. <sup>3</sup>Aŋek laion da madepsi yaŋ tidonŋ, uŋudenŋ madepsi yaŋ tidaŋakwan kiririŋ 7 kabi da madepsi yawit. <sup>4</sup><sup>k</sup>Kiririŋ 7 kabi yaŋakwa gen yawit uŋun mandak do agim, mani Kwen Kokupgwan da tek kinda yaŋ noman tagit, “Kiririŋ 7 kabi dakon gen uŋun nandak nandakgokon gin toni. Dima mandabi.”

<sup>5</sup><sup>k</sup>Kaŋapbo aŋelo tap idapmon ae miktimon bamaŋ akgit, uŋun kisiri amin tetni Kwen Kokup gin do aŋenakgit. <sup>6</sup>Aŋenagek gen yaŋ aŋteban agit. Piŋkop egip egip dagok dagogi mini egisak, kundu gat ae yo morap kundukon toŋ, ae miktim gat ae yo morap miktimon toŋ, ae tap gat ae yo morap tap kagagwan toŋ uŋun wasagit Amin da manon gen yaŋ aŋteban aŋek yaŋ yagit, “Bisap kili uŋun mudokdisak. Piŋkop ae saŋbeŋek jomjom dima akdisak. <sup>7</sup><sup>m</sup>Aŋelo 7 kweŋni piŋoŋakwan Piŋkop da yo ak do yagit da pasili toŋ, uŋun paŋalon aban bami toŋ akdisak. Uŋun gen kalipsigwan kombi amin pi monjini do yomgut.”

<sup>8</sup>Aŋelo yaŋ yaŋakwan tek uŋun Kwen Kokup da aeni noman tajeŋ nayigit, “Gak kiŋ aŋelo uŋun tap idapmon ae miktimon bamaŋ akdak da kisiron papia tosok uŋun abida.” <sup>9</sup><sup>n</sup>Nayinban kiŋ aŋelo yaŋ iyigim,

j 9.20 Kap 115.4-7; 135.15-18; Dan 5.23; PA 16.9,11 <sup>k</sup> 10.4 Dan 12.4,9 <sup>l</sup> 10.5 GT 32.40; Dan 12.7 <sup>m</sup> 10.7 Am 3.7 <sup>n</sup> 10.9 Esi 2.8-3.3

“Papia moniḡ unḡun nak do nam.” Iyiko yaḡ nayiḡit, “Abidaḡek na. Gen kagagokon kabaḡ dakon pakbini yombem galagini tagisi akdisak, mani but kagagogwan emat akdisak.” <sup>10</sup> Yaḡakwan papia unḡun kisirikon naḡ abidaḡek nagim. Naḡek gen kaganokon kabaḡ pakbi yombem galagini tagisi nandagiḡim, mani si naḡ mudariḡek butnogwan emat aban nandagiḡim.

<sup>11</sup> Ae yaḡ nayiḡit, “Gak aego miḡat amin morapmikon, ae miktim morapmikon, ae amin geni mibili mibili yoḡon, ae kila amin madep morapmikon yo noman tokdaḡ, unḡun do kombi gen yoki.”

### Amin bamori da Piḡkop gen yaḡ teḡteḡagimal

**11** <sup>1</sup> Amin kinda da tilak yopyop kindap kiriḡ kinda namiḡek yaḡ nayiḡit, “Gak pidaḡek Piḡkop dakon telagi yut gat ae alta gat tilak yopmaḡ. Yaḡ aḡek amin unḡun yutḡwan Piḡkop gawak imaḡ unḡun manjiki. <sup>2</sup> Mani tamo waḡa da tosok unḡun Amin Iḡwakḡwari Kabi da egipni do parekbi, do unḡun tilak dima yipbi. Unḡun amin kabi da abiḡ Piḡkop dakon telagi kokup pap pabiḡ yopmaḡek kila tebaisi aḡek bamaḡakwa kanek 42 yaḡ akdisak. <sup>3</sup> Aḡakwa nak da amin bamori unḡun geno yaḡ teḡteḡonjil do tapmim yobeḡ. Amin bamot unḡun bupmi dakon yik imalyo baḡ pakdamal. Aḡek nak dakon gen yaḡ teḡteḡaḡakwal gildat 1,260 yaḡ akdisak.”

<sup>4</sup> Amin bamot unḡun miktim daman dakon Amin Tagini da iḡamon olip kindap bamot ae lam bamot aḡgamal unḡun mani. <sup>5</sup> Uwalni da yo yokwi aḡ yomni kaḡ, kindap gen kaganikon da noman taḡek soḡba mini aḡ. Asi, amin di unḡun amin bamot yo yokwi aḡ yomni kaḡ, kosit yaḡon da si kimotdaḡ. <sup>6</sup> Unḡun amin bamot kundu kosit sopmaḡ ibal kombi gen yoḡnil bisapmon sikak dima moni dakon tapmim taḡ yomaḡ. Ae pakbi kulabik abal yawi dagoni dakon tapmim kisi taḡ yomaḡ. Ae miktim aminon wasok mibili mibili abal amin yokwi toni dakon tapmim kisi taḡ yomaḡ. Yo unḡudon galaktoknikon tagi anjil.

<sup>7</sup> Piḡkop dakon gen yaḡ teḡteḡaḡ aḡki wasip aḡakwal, joḡ kilap yokwisi kinda unḡun gapma kidagi mini yipmaḡ degek kwen wikdisak. Wiḡ amin bamot gat emat wamaḡek amin bamot pabiḡ yopmaḡek dapban kimotdamal. <sup>8</sup> “Aḡakwan bumjotni unḡun kokup pap da kosit oba madepmon tokdamal. Kokup pap unḡun tilak aḡek mani Sodom ae Isip yaḡ yoḡ. Unḡun kokup pap unḡudon gin kalip Amin Tagini tilak kindapmon aḡakba kimakḡit. <sup>9</sup> Amin mibili mibili geni mibili mibili yoḡ, ae giḡtimni mibili mibili, ae miktimi miktimi ekwaḡon da amin morapmisi da gildat kapbi ae gildat teri kinda amin bamot dakon bumjot pindaḡdaḡ. Ae yum

o 11.1 Esi 40.3; Sek 2.1-2 p 11.2 Lk 21.24; PA 13.5 q 11.4 Sek 4.3,11-14

r 11.5 2Sa 22.9; Kap 97.3 s 11.6 TP 7.17-20; 1Sa 4.8; 1Ka 17.1 t 11.7 Dan 7.21; PA 12.17; 13.7; 17.8 u 11.8 Lk 13.34

pindagakwa amin da bumjotni dimasi wayitni do yokdaŋ. <sup>10</sup>Miktim amin da amin bamot uŋun kili wagil kuŋwamal yaŋ pindagek, but kwaktok nandaŋek notni do but galak yo yomdaŋ, nido kombi amin bamot uŋun miktim amin tepmi madepsi yomgumal.

<sup>11</sup>Mani gildat kapbi gat ae gildat teri kinda kiŋ mudanʻakwa, Piŋkop da egip egip mirim yipban amin bamot da butgwan pukwa pidaŋ akgimal. Agakwal amin bamot pindakgwit amin uŋun madepsi pasalgwit. <sup>12</sup>ʷAŋakwa amin bamot uŋun nandaŋakwal amin kinda da Kwen Kokupgwan da tebai yaŋ tidaŋek yaŋ yoyigiti, “Jil idon winjil.” Yaŋakwan uwalni pindagakwa amin bamot gikwem kagagwan wigek Kwen Kokup wigigimal. <sup>13</sup>ˣWugakwal uŋudon gin wudip madepsi kinda aŋakwan kokup pap dakon timi kinda tasik tagit. Aŋakwan timi 9 kabi daŋin tagi tawit. Uŋun wudip da amin 7 tausen yaŋ dapban kimakgwit. Aŋakwa si egipgwit amin madepsi pasalek Kwen Kokup Piŋkop dakon man yaŋ aŋkisiwit.

<sup>14</sup>ʷKili jigi madepsi kosiri 2 kili uŋun mudak. Mani nandani, bisap pisipmisok egek jigi 3 noman tokdisak.

### Aŋelo 7 kweŋ pisogit

<sup>15</sup>ˣKili aŋelo 7 kweŋni pisogit. Aŋakwan nandaŋapbo Kwen Kokupgwan da madepsi yaŋ tidaŋek yawit, “Piŋkop Amin Taginin gat ae Kristoni gat, uŋun bamot miktimi miktimi dakon kila amin madep dagamal. Amin Tagi da kila amin madep dagok dagogi mini egi wugikdisak.” <sup>16</sup>Aŋakwan kila amin 24 kabi iyi da kila amin madep yityit tamokon Piŋkop da iŋamon yikgaŋ, uŋun ŋwakbenj aŋek tomni dabilni miktimon yopmaŋek Piŋkop gawak imgwit. <sup>17</sup>Aŋek yaŋ yawit,

“Amin Tagi Piŋkop Tapmim Ami,  
gag abisok egisal,  
ae kalipsigwan egipgul.  
Tapmim madepgo abidaŋek kila amin madep pigo wasaŋek  
asal,  
do nin ya yaŋ gayamaŋ.

<sup>18</sup>ˣPiŋkop do kuraktok aŋ amin uŋun Piŋkop do butjap madepsi nandawit,  
mani gag da butjap madepsi pakdisal bisap kili uŋun noman  
tosok.

Abisok amin kimakgwit gen pigokon opni dakon bisap.  
Abisok pi monjigo do tomni tagisi yomdisal dakon bisap.

ˣ 11.11 Esi 37.5,10 ʷ 11.12 2KA 2.11 ˣ 11.13 PA 6.12; 16.18 ʷ 11.14 PA 9.12  
ˣ 11.15 TP 15.18; Kap 10.16; Dan 2.44; 7.14 ˣ 11.18 Kap 110.5; 115.13; Ro 2.5;  
PA 20.11-13

Uḡun kombi amin, ae gaga dakon miḡat amin kabi, ae gak dakon man do pasalek ekwaḡ amin, uḡun amin mani toḡ ae mani mini kisi do tomni tagisi yomdisal.

Abisok miḡat aminyo paḡupbal awit amin, uḡun paḡtasik aki dakon bisap.”

<sup>19b</sup>Kila amin da yaḡ mudaḡakwa, aḡelo da Piḡkop dakon Telagi Yut Madep Kwen Kokup tosoḡ uḡun witdalgwit. Aḡakwa Piḡkop dakon Saḡbek Saḡbek Kinam Telagi Yut Madepmon taḡban kawit. Mal da dukwan dukwan yamaḡakwan kiririḡ uḡun wuwik madepsi yaḡit. Aḡakwan miḡtim wudip aḡakwan ais morapmi sikak da yaḡ mawit.

## Sunduk gat amin kabini gat wagilsu tasik tawit

(Kilapmi 12–20)

### Jon da miḡat gat ae nugim yokwisi madep gat pindakgit

**12** <sup>1</sup>Kili kundukon tilak ḡwakḡwarisi kinda noman tagit. Tilak uḡun yaḡ: Miḡat kinda gildat dabil naḡ imali do wamgut. Aḡakwan kanek kandapni da mukḡwan tagit, ae gik 12 kabi da busuḡikon peliri do taḡ imḡwit. <sup>2c</sup>Miḡat uḡun monji kwapni toḡ. Monji altok do aḡakwan tepmi nandaḡek madepsi yaḡ tidagit. <sup>3d</sup>Ae kundukon tilak kinda gat noman tagit. Tilak uḡun yaḡ: nugim yokwisi giḡtimi gami madepsi kinda noman tagit. Uḡun nugim yokwisi uḡun busuḡni 7 kabi. Aḡakwan jomi 10 yaḡ busuḡikon kwawit. Aḡakwan kila amin madep pelit 7 kabi da busuḡikon tawit.

<sup>4e</sup>Uḡun dakon paljigi da kundukon gik morapmi wiririkban miḡtimon mawit. Uḡun gik kokwin kabi kapbi aḡek, uḡun dakon kabi kinda kisisi miḡtimon mawit.

Nugim yokwisi uḡun miḡat uḡun da monji aḡalak do aḡit uḡun da iḡamon aḡgit. Miḡat uḡun da monji aḡalaḡban monji uḡun si nok do jomjom aḡek aḡgit. <sup>5f</sup>Aḡakwan miḡat uḡun monji wili aḡalagit. Uḡun wili da kila agak dakon ain teban abidaḡek miḡat amin morap miḡtimon ekwaḡ uḡun kila tebaisi akdisak. Miḡat monji altaḡban uḡudon gin aḡaḡ kwen Piḡkop ae Piḡkop da kila amin madep yityit tamo uḡudon awigiwit. <sup>6</sup>Aḡakwa miḡat uḡun pasal kiḡ miḡtim amini minikon kiḡit. Uḡudon Piḡkop da tamoni kili aḡnoman aḡit. Uḡudon kilani aḡek jap imiḡakwa wigi gildat 1,260 yaḡ asak.

<sup>7g</sup>Kili Kwen Kokup emat madepsi kinda noman tagit. Maikel gat aḡelo kabini gat nugim yokwisi madep uḡun gat emat wamḡwit. Ae nugim

<sup>b</sup> 11.19 Ibr 9.4; PA 8.5; 15.5; 16.21    <sup>c</sup> 12.2 Mai 4.10    <sup>d</sup> 12.3 Dan 7.7    <sup>e</sup> 12.4 Dan 8.10  
<sup>f</sup> 12.5 Kap 2.9; Ais 7.14; 66.7; PA 19.15    <sup>g</sup> 12.7 Jut 9

yokwisi madep gat ae aꝓelo kabini kisi emat kobogi awit. <sup>8</sup>Mani emaron teban toni dakon tapmim dima taꝓ yomgut, do Kwen Kokup ae saꝓbenjek dima egipgwit. <sup>9</sup><sup>h</sup>Piꝓkop dakon aꝓelo da nugim yokwisi madep maba pigigit. Nugim yokwisi madep uꝓun kalipsigwan egipgut, miktimon amin morap yokwi ani do paꝓkewaldak. Mani kinda Koꝓ, ae mani kinda Sunduk yaꝓ yoꝓ. Uꝓun maba miktimon pigit, ae aꝓeloni kisi uꝓun gat maba piwit.

<sup>10</sup><sup>i</sup>Kili uꝓun da kwenon nandaꝓaꝓbo Kwen Kokupgwan da amin kinda da madepsi yaꝓ tidaꝓek yaꝓ yaꝓgit,

“Abisok Piꝓkopnin da miꝓat amin kabini yokwikon baꝓ timikdak. Tapmimni altaꝓ teꝓteꝓaꝓakwan kila amin madep yikdak. Aꝓakwan Kristoni man madepni gat ae tapmimni gat abisok timikdak. Nido, notnin gen yaꝓ yomisak amin abisok aꝓelo da kili maba pigik. Uꝓun gildat kalba ae kalbiyo Piꝓkopnin da iꝓamon gen yaꝓ yomgut. <sup>11</sup>Notnin egip egipni paꝓkutnok do dima nandawit. Sipsip Moniꝓ da yawikon, ae Piꝓkop dakon gen yaꝓ teꝓteꝓawiron da tapmim paꝓek emaron teban taꝓek uwal abiꝓ yipgwit. Kimot do pasol pasol dima awit. <sup>12</sup><sup>j</sup>Kwen Kokup gat ae Kwen Kokup ekwaꝓ amin morap ji kisik kisik ani! Mani miktim gat ae tap gat yagosil! Nido Sunduk jikon kili pik. Pik da bisap piꝓipmisok egipdisat yaꝓ nandisak, do butꝓap madepsi nandisak.”

<sup>13</sup>Nugim yokwisi uꝓun nak maba miktimon pigim yaꝓ kaꝓek, miꝓat uꝓun monji wili aꝓalagit uꝓun aꝓsopgut. <sup>14</sup><sup>k</sup>Mani nugim yipmaꝓek dubagikon miktim amini minikon tagi pidaꝓ kisak do siꝓgiꝓ madepsi dakon piri bamori uꝓun miꝓat do imgwit. Uꝓudon kiꝓ bilak kapbi ae bilak diwari kinda egakwan kilani aꝓakwa nugim yokwisi madep da aripmi dima aꝓuꝓbal asak. <sup>15</sup>Kili nugim yokwisi madep uꝓun da pakbi gen kaganikon da wandikgit. Pakbi uꝓun pakbi madepsi da yaꝓ pak abigek miꝓat uꝓun yolgit. Nugim yokwisi uꝓun pakbi pak abigek miꝓat uꝓun aꝓaꝓ abigakwan paꝓiꝓjak yaꝓon da agit. <sup>16</sup>Mani miktim da miꝓat aꝓpuluganeꝓ gen kagani aꝓtaꝓ kiꝓakwan nugim yokwisi madep da pakbi uꝓun wandikgit uꝓun miktim da si naꝓ mudagit. <sup>17</sup><sup>l</sup>Aꝓakwan nugim yokwisi madep uꝓun miꝓat do butꝓap madepsi nandagit, do miꝓat uꝓun dakon monji diwari gat emat wam do kigit. Miꝓat dakon monji uꝓun Piꝓkop dakon gen teban morap guramik kimokgoꝓ, ae Yesu dakon gen yaꝓ teꝓteꝓaneꝓ Yesu yolgaꝓ amin uꝓun. <sup>18</sup>Nugim yokwisi uꝓun tap idaꝓ da ileꝓikon aꝓgit.

<sup>h</sup> 12.9 WW 3.1,14; Lk 10.18; 22.31; PA 20.2 <sup>i</sup> 12.10 Jop 1.9-11; Sek 3.1  
<sup>j</sup> 12.12 Ais 44.23; 49.13 <sup>k</sup> 12.14 Dan 7.25; 12.7 <sup>l</sup> 12.17 PA 11.7

### Jon kilap yokwisi bamori noman tagimal

**13** <sup>1</sup>Ae kaŋapbo jon kilap yokwisi kinda tap kagagwan da noman taŋ wigit. Uŋun busuŋi 7 kabi. Aŋakwan jomi 10 kabi da busuŋikon kwawit. Aŋakwa kila amin madep dakon pelit 10 kabi jomikon tawit. Ae busuŋikon man taŋ taŋ awit. Man uŋun Piŋkop jigilak mibili mibili yaŋ imim dakon man da tawit. <sup>2</sup>Jon kilap yokwisi uŋun kagim uŋun jon pusiket madep lepat yaŋ yoŋ, uŋun yombem. Mani kandapmi uŋun bea dakon yombem, ae gen kagani laion dakon yombem. Nugim yokwisi madep uŋun da iyi dakon tapmim, ae kila amin yityit tamoni, ae kila agak dakon yaŋ dagok madepni, uŋun jon kilap yokwisi do imgut. <sup>3</sup>Uŋun jon kilap yokwisi dakon busuŋi kinda si kimori da tilak wudani taŋ imgut, mani aeni kibidagit. Aŋakwan miktimon miŋat amin morap kisi uŋun kaŋ nimnimigek yolgwit. <sup>4</sup>Nugim yokwisi madep uŋun da jon kilap yokwisi do kila amin pi asak do yaŋ mudan imik, do nugim yokwisi madep uŋun gawak imgwit. Ae jon kilap yokwiyo kisi gawak imiŋek yaŋ yawit, “Namin amin jon kilap yokwisi yombem? Ae namin amin gat emat aripmi tagi wamjil?”

<sup>5</sup>Piŋkop da yum kaŋakwan jon kilap yokwisi uŋun iyi do nandaban wigakwan Piŋkop do jigilak yaŋ imgut, ae kanek 42 da aripmon pi uŋun asak dakon yaŋ dagok Piŋkop da imgut. <sup>6</sup>Uŋun gen kagani witdalek Piŋkop jigilak yaŋ imgut. Yaŋ imiŋek Piŋkop dakon man, ae Piŋkop dakon kokup, ae amin Kwen Kokup ekwan kisi do manji gen yagit. <sup>7</sup>Piŋkop da yum kaŋakwan Piŋkop iyi dakon miŋat amin kabikon emat agit. Emat aŋek dapmaŋek pabiŋ yopgut. Uŋun amin kisi dakon kila amin madep tagi egipjak, ae miktimi miktimi kisi, ae gen mibili mibili yoŋ kisi, ae giptimi mibili mibili kisi dakon kila amin madep tagi egipjak dakon yaŋ dagok aŋ ibi. <sup>8</sup>Piŋkop da miktim dima wasagit bisapmon amin morap egip egip papiakon mani dima mandagit, uŋun amin da jon kilap yokwisi gawak imdan. Papia uŋun Sipsip Moniŋ kalip aŋakba kimakgit, uŋun dakon.

<sup>9</sup>Amin mirakni toŋ da gen on pakyansi nandani! <sup>10</sup>Amin kinda dam tebanon pigisak do manjikbi kaŋ, uŋun dam tebanon pigikdisak. Ae amin kinda emat agak sibakon kimotjak do manjikbi kaŋ, emat agak sibakon kimotdisak. Yo uŋuden noman taŋba, Piŋkop dakon miŋat amin kabi butni yawori taŋakwa tebai agek nandan gadatni tebaisi abidoni.

### Jon kilap yokwisi 2 uŋun da miktim amin paŋkewalgit

<sup>11</sup>Aeno jon kilap yokwisi kinda gat kaŋapbo miktim kagagwan da wigit. Uŋun jomi bamori sipsip moniŋ dakon jom yombem. Ae gen

---

m 13.1 PA 12.3; 17.3,7-12   n 13.2 Dan 7.4-6   o 13.3 PA 17.8   p 13.5 Dan 7.8,25; 11.36; PA 11.2   q 13.7 PA 11.7   r 13.8 Kap 69.28; PA 17.8; 20.12,15; 21.27   s 13.10 Jer 15.2; 43.11; PA 14.12

yogokni unjun nugim yokwisi madep kinda egisak dakon yombem. <sup>12</sup>Joŋ kilap yokwisi 2 unjun da joŋ kilap yokwisi mibiltok nani dakon kila agak dakon tapmim kisisi yaŋ dagok aŋ imgut. Unjun tapmim naŋ joŋ kilap yokwisi mibiltok nani da iŋamon pi agit. Unjun tebaisi yoyiŋakwan miktim gat ae miŋat aminyoni gat da joŋ kilap yokwisi mibiltok nani gawak imgwit. Joŋ kilap yokwisi si kimori da tilak wudani taŋ imgut mani wudani aeni kibidagit. <sup>13</sup>‘Joŋ kilap yokwisi 2 unjun da wasok tapmimi toŋ madep madep baŋ agit. Wasok tapmimi toŋ kinda agit unjun yaŋ: Amin da dabilon wasok aban kindap si soŋek Kwen Kokup yipmaŋek miktimon piwit. <sup>14</sup>Piŋkop da tapmim imiŋakwan wasok tapmimi toŋ morap joŋ kilap yokwisi mibiltok nani da iŋamon aŋek miktim amin paŋkewalgit. Aŋek joŋ kilap yokwisi unjun kalip emat agak siba da aŋakgit, mani abisok egisak gin, unjun dakon man yaŋ aŋkisik do kindap baŋ wupni pasini do tebaisi yoyigit. <sup>15</sup>Piŋkop da tapmim imiŋakwan egip egip dakon mirim joŋ kilap yokwisi dakon wupmi wasawit do iban gen yagit. Ae amin morap joŋ kilap yokwisi dakon wupmi wasaŋbi do dima gawak imni unjun da si dapban kimotdaŋ.

<sup>16</sup>‘Joŋ kilap yokwisi 2 da tebaisi yoyiŋban amin morap dakon kisit amin tetnikon, ae iŋamnikon tilak kinda yipgwit. Amin isali, ae mani toŋ, ae yoni morapmi amin, ae yoni mini amin, ae oman amin dima ekwaŋ amin, ae oman amin ekwaŋ amin kisi tilak yopmaŋ yomgwit. <sup>17</sup>Do amin kinda unjun joŋ kilap yokwisi dakon tilakni mini kaŋ, aminon yumaŋ nok dima asak, ae unjudon yumaŋ nok dima ani. Joŋ kilap yokwisi dakon tilakni unjun iyi dakon mani, ae mani dakon namba. <sup>18</sup>Amin nandak nandakni tagisi da joŋ kilap yokwisi dakon namba pakyaŋsi manjiŋ nandisak. On unjun amin dakon namba. Nambani unjun 666.

### Sipsip Moniŋ dakon miŋat amini kap kalugi yawit

**14** <sup>1</sup>Nak aeno kaŋapbo, Sipsip Moniŋ Saion Kabap unjudon akban kagim. Agakwan amin 144 tausen unjun gat kisi akgwit. Sipsip Moniŋ dakon man gat ae Datni dakon man gat iŋamnikon mandabi. <sup>2</sup>‘Ae nandaŋapbo wuwik tagisi kinda Kwen Kokupgwan da apgut. Unjun pakbi madep morapmi dakon wuwik yombem, ae kiririŋ madep da yaŋ agit. Wuwik nandagiŋ unjun amin da gita tidaŋakwa gen yoŋ unjun dakon wuwik yombem. <sup>3</sup>‘Kap kalugi kinda Piŋkop dakon kila amin madep yityit tamokon yawit. Ae yo 4 kabi egip egipmi toŋ da iŋamon ae kila amin da iŋamon yawit. Amin 144 tausen yaŋ Piŋkop da miktimon miŋat aminyo da binapmon yokwikon baŋ yumaŋ naŋ yopgut, unjun kabi dagin

<sup>t</sup> 13.13-14 1KA 18.24-39; Mt 24.24; PA 19.20    <sup>u</sup> 13.16-17 PA 14.9-11; 16.2; 20.4

<sup>v</sup> 14.2 PA 1.15; 19.6    <sup>w</sup> 14.3 Ais 42.10; PA 5.9; 7.4

kap uŋun tagi nandaba pīsoṣak. <sup>4</sup>Uŋun amin kabi miŋat gat yumabi diṃa aŋek gwaljiŋi minisi egipgwit. Kokup morap Sipsip Moniŋ da kik do agit, uŋun yol awilgaŋ gin. Uŋun Piŋkop da miktimon amin da binapmon baŋ yokwikon baŋ yumaŋ naŋ yopgut, do uŋun Piŋkop da miŋat amin kabini mibiltoksi timikgit da yaŋsi egipdaŋ. Yaŋ agit, do iyi gat ae Sipsip Moniŋ gat dakon miŋat amin kabi egipni. <sup>5</sup>Top gen kindā diṃasi yawit. Gulusuŋni mini egipgwit.

### Aŋelo kapbi da yaŋ teŋteŋok awit

<sup>6</sup>Nak aeno kaŋapbo ae aŋelo kindā kwen binap kwan kagim. Uŋun da Gen Bin Tagisi dagok dagogi mini amin miktimon ekwaŋ yoyiŋ teŋteŋosak do yabekbi. Miktimi miktimi miŋat amin kabi morap, ae geni mibili mibili yoŋ, ae giptim kildani mibili mibili uŋun kisi do yabekbi. <sup>7</sup>Uŋun da abiŋ gen papmon da yaŋ yagit, “Piŋkop do pasal imiŋek man madepni yaŋ aŋenotni, nido Piŋkop da amin gen pikon yopjak dakon bisap madep kili abik. Piŋkop kundu ae miktim ae tap ae pakbi dabil morap wasaŋ yopgut uŋun gawak imni.”

<sup>8</sup>\*Ae aŋelo kindā buŋon yolgit uŋun da yaŋ yagit, “Kokup madep Babilon uŋun kili tuwil kigit. Asi, uŋun kili tuwil kigit. Kokup madep Babilon amin da yumabi aŋpakni tebaisi taŋ yomgut. Ae miŋat amin kabi morap miktimon ekwaŋ uŋun kisi da yumabi aŋpak ani do tebaisi yoyiŋ dekgwit. Uŋun awit uŋun wain morapmi yoba nawit yaŋ yombem agit.”

<sup>9</sup>Uŋun aŋelo bamot da buŋon ae kindā da abiŋ gen papmon da yaŋ yagit, “Amin kindā joŋ kilap yokwisi ae wupni gawak imiŋek tilakni iŋamikon ae kisirikon abidosak kaŋ <sup>10</sup>z wain kindā nokdisak. Wain uŋun Piŋkop dakon butjap naŋ nokdisak. Wain uŋun pakbisi naŋ diṃa aŋyawot akdisak. Tomni yokwisi yomjak kapmon iyi dakon butjapni tagalban nokdisak. Uŋun amin Piŋkop dakon telagi aŋelo kabi da iŋamon, ae Sipsip Moniŋ da iŋamon tepmi madepsi pakdisak. Tip salfa tepmisi sosok uŋudon tepmi madepsi pakdisak. <sup>11</sup>a Kindap uŋun soŋakwan tepmi panigwan da mukwa mudok mudogi mini pidokdisak. Amin kindā joŋ kilap yokwisi ae wupni gawak imiŋek mani dakon tilak abidosok uŋun amin yik nandat diṃasi asak. Gildari gildari ae pilini pilini tepmi pi mudok mudogi mini pakdisak.”

<sup>12</sup>b Uŋun bisapmon Piŋkop dakon miŋat amin kabi butni yawori taŋakwa geni guramiŋkaŋ, ae Yesu tebaisi nandaŋ gadaŋ imaŋ amin uŋun tebaisi atdo.

<sup>13</sup>Kili nandaŋapbo Kwen Kokupmon da amin kindā da yaŋ yagit, “Gen yaŋ mandaki, ‘Abisok miŋat amin kabi Amin Tagi nandaŋ gadaŋ imiŋek

x 14.8 Ais 21.9; Jer 51.7-8; PA 17.2; 18.2-3 y 14.9 PA 13.12-17 z 14.10 WW 19.24; Kap 75.8; Ais 51.17,22; Jer 25.15-16; Esi 38.22; PA 16.19; 20.10 a 14.11 Ais 34.10 b 14.12 PA 13.10



kimokgoŋ ae don kimotni unun kisik kisik tagi ani.’ ” Ae Telagi Wup da yaŋsi yosok, “Asisi, amin unun oman pi madepsi awit unun yipmaŋek yik yawot pani. Yaŋ aŋakwa aŋpak kilegisi awit unun mandabi da toŋ unun da yolba kisi kini.”

**Miktimon jap morap bami kili pik tawit, unun  
pakpak dakon bisap noman tak**

<sup>14</sup>Uun da kwenon nak gikwem kwakwagi kinda kagim. Uun gikwemon

“amin dakon monji yombem kinda”

yikban kagim. Busuŋikon kila amin madep dakon pelit gol baŋ wasaŋbi kinda tagit, ae kisitnikon jap bami pakpak siba geni tepmisi kinda abidagit. <sup>15</sup>Ae aŋelo kinda Piŋkop da Telagi Yut Madepmon da abigi amin unun gikwemon yikgit unun tebaisi yaŋ tidaneŋ yaŋ iyigit, “Sibago abidaneŋ jap bami taŋ balja. Miktimon jap morap kisi kili pik taŋ, do abisok jap unun baljoki dakon bisap.” <sup>16</sup>Yaŋakwan amin unun gikwemon yikgit unun sibani abidaneŋ miktimon jap pik tawit unun baljagit.

<sup>17</sup>Ae aŋelo kinda gat Piŋkop dakon Telagi Yut Madep Kwen Kokup tosok unun yipmaŋek waŋga pigit. Uunyo kisi jap bami pakpak sibani geni tepmisi kinda abidagit. <sup>18</sup><sup>d</sup>Ae aŋelo kinda alta yipmaŋek apgut. Aŋelo unun kindap sosok dakon kila agak dakon tapmim taŋ imgut. Uun da aŋelo jap bami pakpak siba geni tepmisi abigit amin gen tebaisi yaŋek yaŋ iyigit, “Miktimon wain sop kili pik taŋ mudan, do gak sibago geni tepmisi unun abidaneŋ miktim dakon wain sop unun mandaneŋ timi kindakon gin paŋmuwukgi.” <sup>19</sup>Yaŋakwan aŋelo sibani abidan miktim dakon wain sop mandaneŋ paŋmuwuk yopgut. Yopmaŋek wain sop unun bamaŋ til do bamaŋ til tamo madep kindagwan similgit. Bamaŋ til tamo madep unun Piŋkop dakon butjap dakon tilak asak.

<sup>20</sup>Uun wain sop bamaŋ til tamo madep kokup pap da waŋga tagit, wain sop unudon bamaŋ tilgwit. Aŋakwa unungwan da yawi madepsi pak abigek miktim kisi witjŋban 300 kilomita da arip agit. Aŋakwan yawi wiŋaŋ wiŋ os da gen kagakon ain tim tosok unun da aripmon wigigit.

**Aŋelo 7 kabi da yo yokwisi 7 kabi timikgwit**

**15** <sup>1</sup>Ae Kwen Kokupmon tilak masi masimi ae tapmimi toŋsi kinda noman taŋban kagim. Aŋelo 7 kabi pindakgim. Uun da amin paŋjupbal ak do yo yokwisi 7 kabi timikgwit. Yo yokwisi unun da mudanakwa ae yo kinda dima noman tosak, Piŋkop dakon butjapni wagil mudokdisak.

<sup>2</sup>Ae yo kinda tap idap madep yombem kagim. Uun tap idapmon glas gat kindap gat iktagilbi. Tap idap glas yombem unun da kidipmiŋon amin

<sup>c</sup> 14.14 Dan 7.13    <sup>d</sup> 14.18 Jol 3.13    <sup>e</sup> 14.20 Ais 63.3; PA 19.15

morapmi akgwit. Uñun amin kabi emaron teban tañek joñ kilap yokwisi gat ae wupni gat ae mani dakon nambani abiñ yipgwit amin. Uñun gita Piñkop da yomgut uñun timikgwit. <sup>3f</sup>Añek Piñkop dakon oman amini Moses gat, ae Sipsip Moniñ gat dakon kap yawit. Kap uñun yañ:

“Amin Tagi Piñkop Tapmim Ami,

pi masi masimi tapmimi toñsi asal.

Amin kabi morap dakon Kila Amin Madepni, anpakgo uñun kilegisi ae bamisi.

<sup>4 g</sup>Amin Tagi, gak kalon dagin telagisi egisal, do namin da gak do pasalek mango dima yañ anñkisisak?

Anpakgo kilegisi uñun kili altañ noman tawit, do miktim morap dakon amin da abinej gawak gamdañ.”

<sup>5 h</sup>Uñun da kwenon aeno siñtoko Piñkop dakon telagi imal yutni Kwen Kokup tosoq uñun witalgwit. <sup>6</sup>Añelo 7 kabi uñun amin pañupbal ak do yo yokwisi 7 kabi timikgwit, uñun Piñkop dakon yut yipmañek wañga piwit. Uñun imal gwaljiñi minisi teñteñini toñ bañ pawit. Ae pibirikon imal dak gol bañ wasañbi bañ pañgwasinej wamgwit. <sup>7</sup>Yo 4 kabi egip egipmi toñ da kabikon kinda da idap madep gol bañ wasañbi 7 kabi añelo 7 kabi do yomgut. Piñkop, dagok dagogi mini egi añañ kisak teban, uñun dakon butjapni uñun idap madepmon tugañ tawit. <sup>8 i</sup>Ae Piñkop dakon tilimni gat ae tapmimni gat dakon mukwa Telagi Yut Madepmon tugañ tawit. Amin kinda da unjungwan aripmi dima wigisak. Añelo 7 kabi da yo yokwisi 7 kabi bañ pini aba dagañakwa don wigigi.

### Idap madep 7 kabi Piñkop dakon butjapni toñ uñun tagalgwit

**16** <sup>1</sup>Nandañapbo Piñkop da Telagi Yut Madepgan tek madepsi kinda nandagim. Uñun añelo 7 kabi tebai yañ tidañek yañ yoyigit, “Ji Piñkop dakon butjap uñun idap madep 7 kabikon toñ uñun pabidañ pañki miktimon tagalni.”

<sup>2 j</sup>Yoyiñban añelo mibiltogi da idap madepni miktimon tagalgit. Yañ añañkwan wuda teban yokwisi tepmini madepsi mibili mibili amin joñ kilap yokwisi dakon tilakni tañ yomgwit, ae wupni wasañbi do gawak imgwit, uñun da giptim timon yikgwit.

<sup>3 k</sup>Ae añelo 2 idap madepni tap idapmon tagalgit. Tagalban tap idap amin kili kimakbi dakon yawi yombem agit. Añañkwan tap kagagwan yo morap egip egipmi toñ uñun kimakgwit.

<sup>4</sup>Ae añelo 3 idap madepni pakbi madep ae pakbi dabil da kwenon tagalgit. Tagalban pakbi morap kisi yawi dagawit. <sup>5</sup>Añañkwan

f 15.3 TP 15.1; Kap 139.14; 145.17 g 15.4 Kap 86.9; Jer 10.6-7 h 15.5 TP 38.21

i 15.8 IKA 8.10-11; 2KAG 5.13-14; Ais 6.4 j 16.2 TP 9.10; PA 13.12-17

k 16.3-4 TP 7.17-21

nandaŋapbo aŋelo pakbi kila agit uŋun da yaŋ yaŋgit, “Piŋkop, Telagi Amin, gak abisok egisal, ae kalipsigwan egipgul. Aŋpakgo wagil kilegisi, do kokwin kilegisi aŋek yo yokwisi altaŋ yomni do yaŋgit. <sup>6</sup>Uŋun amin kabi da kombi amingo gat, ae miŋat amin kabigo gat dapmaŋakwa yawini tayiŋgiŋwit. Yokwi uŋun awit do gak da yawi koleŋ yobi noŋ. Yokwi awit dakon kobogi tagi timikgaŋ.” <sup>7</sup>Ae nandaŋapbo altakon da amin kinda da yaŋ tidanek yaŋ yaŋgit, “Amin Tagi Piŋkop Tapmim Ami, gak da amin gen pikon aŋpakni kokwin aŋ yomisal. Asisi, gen pikon yopyopgo uŋun wagil bamisi ae kilegisi gin asal.”

<sup>8</sup>Kili aŋelo 4 da idap madepni gildaron tagalgit. Tagalakwan Piŋkop da gildat do tapmim imiŋakwan gildat da madep tanek amin soŋ yomgut. <sup>9</sup><sup>m</sup>Gildat tepmisi soŋek, amin uŋun obisi soŋ yomgut. Aŋakwan Piŋkop ibipgwit. Piŋkop da nandaŋakwan yo yokwisi uŋun altaŋ yomgwit, mani but tobil aŋek mani dima yaŋ aŋkisiwit.

<sup>10</sup><sup>n</sup>Kili aŋelo 5 da joŋ kilap yokwisi dakon kila amin madep yityit tamokon idap madepni tagalgit. Tagalakwan amin morap joŋ kilap yokwisi da kila agit, uŋun pilin tuk madepsi altaŋ yomgut. Tepmi madepsi nandaŋek meli injiŋwit. <sup>11</sup>Tepmi madepsi pawit, ae giptimnikon wuda tawit, uŋun do nandaŋek Kwen Kokup dakon Piŋkop ibipgwit. Mani aŋpak yokwisi awit uŋun but tobil aŋek manji yom do dima nandawit.

<sup>12</sup><sup>o</sup>Ae aŋelo 6 da idap madepni pakbi madep Yupretiskon tagalgit. Tagalban pakbi wagilsi kibidaŋakwan amin tagi madep gildat da si wisak tetgin da opni do kosit aŋnoman agit. <sup>13</sup>Ae koŋ kapbi meŋgak yombem pindakgim. Kinda uŋun nugim yokwisi da gen kagakon da wigit, ae kinda uŋun joŋ kilap yokwisi da gen kagakon da wigit, ae kinda kombi amin toptopmi da gen kagakon da wigit. <sup>14</sup><sup>p</sup>Uŋun koŋ yokwisi kabi wasok tapmimi toŋ mibili mibili awit. Uŋun miktimi miktimi dakon kila amin madepni do dukwan dukwan kiwit. Uŋun kiŋ kila amin madep timikba emat amini gat abiŋ muwukba, Piŋkop Tapmim Ami da amin gen pikon yopdisak dakon bisap madepmon Piŋkop gat emat wam do muwutdaŋ.

<sup>15</sup><sup>q</sup> “Nandani. Nak tepmisi kabo noknok da tilagon jikon opdisat. Amin kinda dima pagek yik imalni iyi da kapmatjok toni kaŋ, uŋun amin kisik kisik asak. Nido, uŋun amin molaŋ molaŋ dima agipjak, aŋakwan amin da mayagiŋi aripmi dima kokdaŋ.”

<sup>16</sup><sup>r</sup>Kili koŋ da kila amin madep gat emat amini gat timik paŋabiŋ miktim tim kinda Ibru genon da Amegedon yaŋ yoŋ uŋudon paŋmuwukgwit.

<sup>1</sup> 16.7 Kap 19.9; PA 15.3    <sup>m</sup> 16.9 PA 9.20-21    <sup>n</sup> 16.10 TP 10.22; Ais 8.21-22

<sup>o</sup> 16.12 Ais 11.15    <sup>p</sup> 16.14 PA 19.19    <sup>q</sup> 16.15 Mt 24.43-44; PA 3.3    <sup>r</sup> 16.16 Sek 12.11

<sup>17</sup>Kili aḡelo 7 da idap madepni kundukon tagalgit. Aḡakwan Piḡkop da Telagi Yut Madepḡwan, kila amin madep yityit tamonikon da amin kinda dakon gen kaga da yaḡ tidanḡek yaḡ yaḡit, “Kili uḡun mudosok.”

<sup>18</sup>Yaḡakwan mal da dukwan dukwan kisi yaḡḡwit. Aḡakwa wuwik madepsi noman taḡakwan kiririḡ aḡakwa wudip madepsi aḡit. Wudip uḡun madepsi daman aḡit. Miktimon amin eḡi aḡaḡ obaḡ bisapmon wudip madep uḡuden kinda kalip dima noman tagit. <sup>19</sup>‘Kili kokup pap Babilon pudaḡ ki timi kapbi awit. Aḡakwa miḡat amin morap dakon kokup pap morap waḡil tuwil ki tasik taḡ mudawit. Piḡkop da kokup pap Babilon dakon aḡpak yokwisi do nandaḡek, wain kapmon iban naḡit. Wain uḡun Piḡkop dakon butjaḡ damani. <sup>20</sup>“Wudip daman aḡakwan miktim tim morap tap binap tawit uḡun kisisi tap kagagwan piḡiḡit, ae kabap morap kisisi tuwil ki minisi awit. <sup>21</sup>“Aḡakwa ais sikak madepsi mawit. Ais tim kaloḡ kaloḡ mawit dakon jiḡini uḡun 50 kilo da arip. Uḡun ais sikak kundukon da amin da kwenon maḡek, amin waḡilsi dapmaḡ paḡtasik awit. Piḡkop da ais sikak uḡun yipban maḡ obisi paḡupbal aban uḡun do Piḡkop ibiḡḡwit.

#### Yumabi miḡat madep tomni yokwisi timiḡgit

**17** <sup>1</sup>Uḡun aḡelo 7 kabi idap madep 7 kabi timiḡḡwit kabikon da kinda da abiḡ yaḡ naḡiḡit, “Gak apbi yumabi miḡat pakbi madep madep da kapmatjok yikdak, ni tomni yokwi baḡ timitdisak uḡun goliko. <sup>2</sup>“Miktim dakon kila amin madepni uḡun miḡat gat yumabi morapmi awit. Ae miktim amin morapmi kisi miḡat uḡun gat yumabi awit uḡun but upbal aḡek pakbi teban noknok amin yombem awit.”

<sup>3</sup>Kili Telagi Wup da butnokon piḡi madepsi tugaḡakwan aḡelo uḡun da nak aḡaḡ miktim amin dima ekwaḡ timon aḡki nepgut. Uḡudon miḡat kinda joḡ kilap yokwisi gami kinda da kwenon yikban kagim. Uḡun joḡ kilap yokwisi da kwenon man morapmisi tawit. Uḡun man morap uḡun Piḡkop do maḡji gen mibili mibili tawit. Joḡ kilap yokwisi uḡun busuḡni 7 kabi, ae jomi 10 kabi yaḡ busuḡikon kwawit. <sup>4</sup>“Miḡat uḡun imal paḡit uḡun gami ae pili yombem baḡ paḡit. Tilimni gol baḡ wasaḡbi mibili mibili, ae tilim tip kildani taḡisi baḡ wasaḡbi, ae kindiriḡ yomaḡ nogi wukwisi baḡ wasaḡbi baḡ paḡit. Kisirikon kap gol baḡ wasaḡbi kinda naḡ abidagit. Piḡkop da dabilon aḡpak iḡan iḡani aḡit gat, ae yumabi aḡit dakon garak gat, uḡun kisisi uḡun kapmon tugaḡ tawit. <sup>5</sup>Miḡat uḡun iḡamnikon mani mandawit. Mani uḡun tilak gen yombem kinda. Mani uḡun yaḡ: “Kokup Pap Madep Babilon, uḡun Yumabi Miḡat Morap gat,

ᶺ 16.18 PA 4.5; 8.5 ᶻ 16.19 PA 14.10 ᶼ 16.20 PA 6.14 ᶽ 16.21 TP 9.23-24; PA 11.19  
 ᶾ 17.1 Jer 51.12-13 ᶿ 17.2 Ais 23.17; Jer 51.7; PA 14.8 ᶿ 17.3 PA 13.1 ᶿ 17.4 Jer 51.7;  
 PA 18.16

ae Anpak Yokwisi Miktimon Tosok unun dakon Meji.” <sup>6</sup> “Unun miŋat da Piŋkop dakon telagi amin kabi, Yesu nandan gadan imiŋek mani yan teŋteŋawit amin dapban kimakgwit. Unun miŋat kaŋapbo amin unun dakon yawini naŋek but upbal amin yombem agit. Unun kaŋ wiripdagek but morap nandagim.

<sup>7</sup> Kili aŋelo da yan nayigit, “Gak nido wuripdakdal? Miŋat joŋ kilap yokwisi busuŋni 7 kabi ae jomi 10 kabi unun da kwenon yikban kwamal, unun bamot dakon mibili pasili tosok, mani nak unun do golikdisat. <sup>8</sup> Joŋ kilap yokwisi kagil, unun kalipsigwan egipgut, mani abisok ae dima egisak. Mani gapma kidagi mini yipmaŋek kwen wikdisak. Wiŋek Piŋkop da aŋakban wagil pasildisak. Miktim amin, Piŋkop da miktim dima wasagit bisapmon amin morap egip egip papiakon mani dima mandagit amin kabi, unun da joŋ kilap yokwisi kaŋek wuripdatdan. Nido, kalip egipgut, ae abisok dima egisak, ae don noman tokdisak.

<sup>9</sup> “Amin nandak nandakni tagisi da yo unun do tagi nandaba pisokdisak. Busuŋ 7 kabi unun ileŋ 7 kabi dakon tilak asak. Heŋ 7 kabikon miŋat unudon yikdak. <sup>10</sup> Ae busuŋ 7 kabi unun kila amin madep 7 kabi dakon tilak kisi asak. Kila amin madep 5 unun kili kimakgwit, ae kinda abisok egisak, ae kinda don noman tokdisak. Noman tosak bisapmon bisap pisipmisok egipdisak. <sup>11</sup> Joŋ kilap yokwisi unun kalip egipgut da abisok dima egisak, unun kila amin madep unun 8. Mani kila amin madep 8 unun 7 kabi da kabikon nani. Unun wagil pasildisak.

<sup>12</sup> <sup>d</sup> “Ae jom 10 kabi unun joŋ kilap yokwisi da kwenon kwawit, unun kila amin madep 10 kabi dakon tilak asak. Unun kila amin madep dima noman taŋ. Mani joŋ kilap yokwisi unun gat yan dagok kaloŋi paŋek kila amin madep pini unun 1 awa da tilak gin akdan. <sup>13</sup> Kila amin madep unun nandak nandakni kaloŋi dagin tokdisak. Aŋek kila amin pi asak do tapmimni gat ae yan dagokni gat unun joŋ kilap yokwisi dogin imdan. <sup>14</sup> Yan aba Sipsip Moniŋ gat emat wamdan. Wamaŋek Sipsip Moniŋ da wagilsu pabiŋ yopdisak, nido, unun amin tagi morap dakon Amin Tagini, ae kila amin madep morap dakon Kila Amin Madepni. Unun dakon amin kabini unun iyi yan yomgut aŋek iyi do manjiŋ yopgut da geni tagisi guramikgaŋ. Unun amin kabi gat Sipsip Moniŋ gat da emaron teban tokdan.”

<sup>15</sup> Aŋelo da saŋbeŋek yan nayigit, “Pakbi madep unun kaŋaki yumabi miŋat unun da kapmatjok yikban kal, unun amin mibili mibili morap gat, ae giptim mibili mibili gat, ae gen mibili mibili morap gat, ae amin kabi morap egi aŋaŋ kwaŋ unun dakon tilak asak. <sup>16</sup> <sup>e</sup> Jom 10 kabi unun pindal, unun jom gat ae joŋ kilap yokwisi gat da unun yumabi miŋat

<sup>a</sup> 17.6 PA 18.24; 19.2    <sup>b</sup> 17.7 PA 13.1    <sup>c</sup> 17.8 Dan 12.1; PA 11.7; 13.7    <sup>d</sup> 17.12 Dan 7.7,24  
<sup>e</sup> 17.16 PA 18.8

do nandaba yokwi tok anjmdaŋ. Uŋun obisi aŋtasik aŋek imalni kisisi wiririkba molaŋ atdisak. Yaŋ aŋek giptimni dakon sabamni naŋek kindapmon wagil sokdaŋ. <sup>17</sup>Piŋkop da iyi kila amin madep 10 kabi uŋun do nandak nandak yomdisak. Yoban yo morap noman toni do kili nandagit, uŋun noman tokdaŋ. Uŋun but kalon aŋek kila amin madep tapmim pawit uŋun tapmim kisi jon kilap yokwisi dogin imdaŋ. Yaŋ aŋakwa wigi Piŋkop da yo morap altaŋ mudoni do yagit uŋun altaŋ mudokdaŋ. <sup>18</sup>Miŋat uŋun kal, kokup pap madep uŋun kila amin madep morap miktimi miktimi egi aŋaŋ kwan uŋun da kilani asak dakon tilak asak.”

### Babilon kili tasik tagit

**18** <sup>1</sup>Uŋun da kwenon kaŋapbo aŋelo kinda gat Kwen Kokup yipmaŋ pigit. Uŋun man bini toŋ, ae tilimni tagisi do aŋek miktim madepsi teŋteŋagit. <sup>2-3</sup><sup>f</sup>Tebaisi yaŋ tidaŋek yaŋ yagit, “Miktim morap dakon amin Babilon gat yumabi morapmi awit. Uŋun dakon waini tebaisi baŋ yaŋ nawit. Ae miktimi miktimi dakon kila amin madepni gat kisi yumabi uŋun gat awit. Babilon amin uŋun yoni morapmi ae yaworisi egek kisik kisik egipgwit, do miktimi miktimi moner ilit pi aŋ amin uŋun yoni morapmi amin dagawit. Anpak yokwisi uŋun agit do kokup pap madep Babilon uŋun kili tasik tak! Uŋun kili tasik tak! Uŋun abisok koŋ da egipni dakon tamo dagak. Koŋ yokwisi gat, ae minam iŋani yokwisi mibili mibili gat kisi uŋudon ekwaŋ.”

<sup>4</sup><sup>g</sup>Ae Kwen Kokupgwan da amin kinda da yaŋ yagit, “Miŋat amin kabino, ji kokup pap uŋun yipmaŋek abigini. Anpak yokwi asak, do uŋun gat agek yokwi di abam. Ae yokwi agit dakon kobogi timitdisak, do jiyo kisi di timikbam. <sup>5</sup><sup>h</sup>Yokwini paŋabiŋ kakwaŋakwan Kwen Kokup da tilagon wigigit. Piŋkop da yokwi morapni agit uŋun pakyansi nandaŋ kimokdok. <sup>6</sup><sup>i</sup>Ji uŋun yumabi miŋat da amin do anpak yokwisi niaŋ anyomgut, uŋun anpak yaŋ gin aŋ imni. Uŋun da pakbi teban tebaisi kapmon wasagit. <sup>7</sup><sup>j</sup>Uŋun iyi dakon man awigek yumabi mibili mibili agit. Do yokwi morapmi uŋun agit, uŋun da aripmonsni tepmi madepsi imiŋakwa kunam morapmisi tatjak. Uŋun iyi dakon man awigek yaŋ yosok, ‘Nak miŋat madep egisat, do miŋat madep da yityit tamo madepmon nak uŋudon yikdat. Nak miŋat sakwabat da yaŋ isal dima egisat. Jiŋi abisok dima altaŋ namni aŋakwa kunam aripmi dima takgeŋ. Aripmi dimasi.’

<sup>f</sup> 18.2-3 Ais 13.21; 34.11-14; Jer 50.39; PA 14.8    <sup>g</sup> 18.4 Ais 48.20; Jer 50.8; 51.6,45; 2Ko 6.17    <sup>h</sup> 18.5 WW 18.20-21; Jer 51.9    <sup>i</sup> 18.6 Kap 137.8; Jer 50.15,29; 2Tes 1.6  
<sup>j</sup> 18.7 Ais 47.7-9

<sup>8k</sup> “Yaŋ yosok, do yo yokwisi mibili mibili gildat kalongin altan imdan. Sot yokwisi noman tokdan, ae amin morapmi kunam tatdan, ae jap do madepsi akdan. Anakwa kindap da Babilon sorban pasildisak. Pinjop Amin Tagi, unjun tapmimni madepsi, unjun da Babilon dakon anpak kili kokwinikgit, do si tasik tosak do yagit.

<sup>9l</sup> “Miktimi miktimi dakon kila amin madep unjun gat yumabi awit, ae yaworisi ae kisik kisiksi egipgwit, do kokup pap unjun sosak dakon mukwani pidaŋban koni bisapmon bupmi kunam yo aŋek but yokwisi aŋek egipdan. <sup>10</sup>Kanba tepmi yokwisi unjun paban kaŋek, madepsi pasoldan. Aŋek dubagikon da agek yaŋ yokdan, ‘Bupmi, bupmisi, Babilon gak. Gak madepsi, ae kokup pap tebaisi! Bisap awa kalonji dogin yokwi agil dakon kobogi yo yokwisi kili noman taŋ gamik!’

<sup>11m</sup> “Amin da saŋbeŋek yo kabini dima yumdan, do moneŋ ilit ilit amin miktimi miktimi ekwaŋ unjun da Babilon do nandaŋek bupmi kunam yo aŋek but yokwisi aŋek egipdan. <sup>12n</sup>Yumaŋ nok dakon yoni unjun gol, silwa, ae tip tomni wukwisi, ae kindiriŋ tomni wukwisi, ae imal kwakwagi tagisi, ae imal gami mibili mibili, ae silka imal, ae kindap kibaŋi tagisi morap kisi, ae elepan jom baŋ yo mibili mibili wasawit kisi, ae yo mibili mibili kindap tomni wukwisi baŋ wasawit gat, ae ain kinda mani bras, ae ain gat, ae tip tilakni mibili mibili yaŋ. <sup>13</sup>Ae yomaŋ nok dakon yoni diwari kisi taŋ yomgwit, unjun sinamon, ae jap pangalak ak yo mibili mibili, ae mukwa kibaŋi tagisi sogok dakon yo, ae bit nelak kibaŋi tagisi mibili mibili, ae wain, ae olip dakon nelagi, ae plaua tagisi gat, ae wit. Ae bulmakau, ae sipsip, ae os, ae oskon da amin pawil tamo, ae oman monji kisi. Unjun yo morap amin di da saŋbeŋek yumyumi mini. <sup>14</sup>Moneŋ ilit ilit amin unjun da yaŋ yokdan, ‘Yo tagisi morap unjun butgo dasi timikgeŋ yaŋ nandagil, unjun yo morap gak da dubagisikon toŋ. Yo tagisi morapgo yumaŋ nogi wukwisi gat, ae tilingo tagi tagi morapgo unjun kisisi pasil mudan. Ae saŋbeŋek dima pindatdisal.’

<sup>15o</sup> “Ae amin moneŋ ilit pi unjun yo morap baŋ awit, aŋek unjun kokup papmon moneŋ morapmisi timikgwit, unjun amin da kokup pap unjun da tepmi yokwisi pakdisak unjun kaŋek madepsi pasoldan. Aŋek dubagisikon da agek kunam bupmiyo aŋek but yokwisi egipdan. <sup>16p</sup>Aŋek yaŋ yokdan, ‘Kokup pap madep, wagil bupmisi! Kalip imal kwakwagi tagisi, ae imal gami mibili mibili baŋ pagil. Yaŋ aŋek giptingo gol, ae tip kildani tagisi, ae kindiriŋ yumaŋ nogi wukwisi baŋ paŋtilim agil. <sup>17q</sup>Bisap awa kalonji dogin moneŋ morap unjun gat ae tilim gat unjun wagil tasik taŋ mudan.’

“Tap wakga pawilgaŋ amin morap gat, ae tap wakgakon da miktim ŋwakŋwarikon kwaŋ amin morap gat, ae tap wakgakon pi aŋ amin

<sup>k</sup> 18.8 PA 17.16 <sup>l</sup> 18.9-10 Esi 26.17; 27.30-35 <sup>m</sup> 18.11 Esi 27.36

<sup>n</sup> 18.12 Esi 27.12-13,22 <sup>o</sup> 18.15 Esi 27.31,36 <sup>p</sup> 18.16 PA 17.4 <sup>q</sup> 18.17 Ais 23.14; Esi 27.27-29

morap gat, ae amin morap tap idapmon moneŋ ilit pi aŋ amin, uŋun kisi Babilon da dubagikon agek <sup>18</sup>ʻkindap soŋ imjak dakon mukwa kanjek, yaŋsi yaŋ tidokdaŋ, ‘Kokup pap madepsi oden kinda dimasi tagit.’ <sup>19</sup>Yaŋ yaŋjek miŋtimon kimbabaŋ timik busuŋnikon maba wugakwa, bupmi kunam yo aŋek but yokwisi aŋek egipdaŋ. Yaŋ aŋek yaŋ tidanek yaŋ yokdaŋ, ‘Kokup pap madep awa, bupmisi! Tap wakga dakon ami morap tap idapmon akwaŋ uŋun kokup pap dakon moneŋ morapni baŋ timigeŋ yoni morapmi amin dagawit. Bupmisi! Bisap awa kalonŋi dogin uŋun kokup pap wagilsi tasik tosok!’

<sup>20</sup>s “Kwen Kokup gat, ae Piŋkop dakon miŋat amin kabi gat, ae yabekbi kabi gat, ae kombi amin kabi gat, ji kisi uŋun kokup papmon abisok yo noman tosok uŋun do kisik kisik ani. Piŋkop da uŋun kokup pap da jikon aŋpak yokwi aŋdamgut uŋun kokwinigeŋ uŋun dakon kobogi imisak.”

<sup>21</sup>ʻGen uŋun yaŋ mudanŋakwan aŋelo tapmimi toŋ kinda da tip madep kinda abidagit. Tip uŋun wit misinŋikgaŋ dakon tip dakon tilak, madepsi. Tip uŋun aŋenak maban tap kaga pigigit. Maban pigakwan yaŋ yagit, “On asat yaŋ gin uŋun kokup pap madep Babilon abidaŋ tebaisi maba pigikdisak. Maba pigakwan amin da ae saŋbeŋek dima kokdaŋ. <sup>22</sup>ʻDo Babilon gagon gita dakon gen, bo kinam kirinŋ dakon gen, bo kweŋ, ae saŋbeŋek gak da nagalgwan dimasi yokdaŋ. Ae kisit kilda amin pi mibili mibili aŋ uŋun saŋbeŋek gagon dima egipdaŋ. Ae tip madep da wit misinŋikgaŋ dakon wuwigi gagon saŋbeŋek dima tosak. <sup>23</sup>vʻAe lam dakon teŋteŋi ae saŋbeŋek dima teŋteŋaŋ gamjak. Ae miŋat eyo aŋek soŋnok aŋ dakon wuwigi gagkwan ae saŋbeŋek dima noman tokdaŋ. Kalip moneŋ ilit amingo miŋtimon amin morap da dabilon wukwisi da egipgwit. Gak amin paŋkilit wasok mibili mibili aŋek miŋtimi miŋtimi dakon amin top paŋkewalgil.”

<sup>24</sup>wʻPiŋkop da kaŋban uŋun kokup pap da kombi amini dapgut ae miŋat amin kabini dapgut dakon gulusuŋni madepsi taŋ imisak. Ae miŋtimon miŋat aminyo uwal da dapba kimakgwit, uŋun dakon gulusuŋni kisi Babilon dogin tosok.

### Amin da Babilon tasik tagit uŋun do kisik kisik awit

**19** <sup>1</sup>Ae uŋun da kwenon, amin morapmi Kwen Kokup egek madepsi yaŋ tidonŋ dakon wuwik yombem nandagim. Yaŋ tidanek yaŋ yawit, “Piŋkop aŋkisino! Nin dakon Piŋkop uŋun dagin nin yokwikon baŋ timikgit. Uŋun man madepni toŋ ae tapmimni toŋ. <sup>2</sup>xʻAsisi, Piŋkop gen kokwini uŋun wagil bamisi ae kilegisi gin asak. Yumabi miŋat madep uŋun da miŋtimon amin morap gat yumabi aŋpak aŋek paŋupbal agit. Yaŋ

ʳ 18.18 Esi 27.32    s 18.20 GT 32.43; Ais 44.23; Jer 51.48    t 18.21 Jer 51.63-64; Esi 26.21

u 18.22 Ais 24.8; Esi 26.13    v 18.23 Jer 7.34; 16.9; 25.10    w 18.24 Jer 51.49; PA 17.6

x 19.2 GT 32.43; PA 6.10



agit do Piŋkop da kobogi yokwisi imisak. Miŋat uŋun Piŋkop dakon pi monji dapban kimakgwit, do kobogi imisak.”

<sup>3</sup>Ae yaŋ tidaŋek yawit, “Piŋkop aŋkisino! Kindap da uŋun kokup pap sogit dakon mukwani dagok dagogi mini wigisak!” <sup>4</sup>Kila amin 24 kabi gat, ae yo 4 kabi egip egipmi toŋ ŋwakbeŋ aŋek Piŋkop kila amin madep yityit tamonikon yigakwan gawak imgwit. Aŋek yaŋ yawit, “Uŋun asi. Piŋkop aŋkisino!” <sup>5</sup>Ae Piŋkop dakon kila amin madep yityit tamokon da amin kinda da yaŋ tidaŋek yaŋ yagit, “Piŋkop dakon pi monji, Piŋkop do pasalek ekwaŋ amin, ji amin mani mini ae mani toŋ, ji Piŋkop aŋkisini!”

### Sipsip Moniŋ miŋat paŋakwan jap noknok madep awit

<sup>6</sup>Ae amin morapmisi da yaŋ, gen yaŋba nandagim. Wuwikni uŋun pakbi madepsi pokdok uŋun dakon wuwik yombem. Ae uŋun kiririŋ da yaŋ madepsi yawit. Uŋun da yaŋ tidaŋek yaŋ yawit, “Piŋkop aŋkisino! Amin Taginin Piŋkop Tapmim Ami kila amin madep egek pini asak. <sup>7</sup>Kili Sipsip Moniŋ da miŋat pakdisak dakon bisap kili noman tosok, ae miŋat iyi kili tagap tak da egisak, do butnin tagisi aŋakwa kisik kisik madepsi aŋek mani yaŋ aŋkisineŋ. <sup>8</sup>Piŋkop da imal kwakwagisi tagisi, teŋteŋini madepsi, ae gwaljigi mini uŋun miŋat do imgut.” (Uŋun imal kwakwagisi ae tagisi uŋun Piŋkop dakon amin da aŋpak kilegisi awit dakon tilak asak.)

<sup>9</sup>Ae aŋelo da yaŋ nayigit, “Gen yaŋ mandaki: ‘Amin uŋun Piŋkop da Sipsip Moniŋ da miŋat pakdisak da soŋnok madepmon kini do yaŋ yomisak uŋun amin kisik kisik tagi ani.’” Ae saŋbeŋek yaŋ nayigit, “Gen on Piŋkop dakon gen bamisi.” <sup>10</sup><sup>b</sup>Kili nak aŋelo dakon kandap da kapmatjok ŋwakbeŋ aŋek gawak im do agim. Mani yaŋ nayigit, “Yaŋ dima abi! Gak gat ae not kabigo gat da Yesu da gen yaŋ teŋteŋagit uŋun nandaŋ gadaŋ amin kabi, ji da Piŋkop oman aŋimaŋ, uŋudeŋ gin nak kisi oman amini gin, do Piŋkop naŋ gawak ibi. Nin nandamaŋ, Yesu Kristo da gen yaŋ teŋteŋagit, uŋun dagin amin paŋtagap aban kombi gen yoŋ.”

### Jon da amin kinda os kwakwagikon yikban kagit

<sup>11</sup><sup>c</sup>Nak kaŋapbo Kwen Kokup witdal kigit. Aŋakwan os kwakwagi kinda akban kagim. Uŋun oskon amin kinda yikgit, mani uŋun yaŋ: Pini Do Butdasi Nandaŋek Aŋegisak Amin, ae Aŋpak Bamisi Asak Amin. Gen kokwin pi asak, ae emat asak, uŋun aŋpakni kilegisi naŋ yolek asak. <sup>12</sup><sup>d</sup>Dabilni uŋun kindap dakon mileŋ asip yombem, ae busuŋikon kila amin madep dakon pelit morapmi taŋ imgwit. Giptimikon man kinda

<sup>y</sup> 19.6 PA 14.2   <sup>z</sup> 19.7-8 Ais 61.10; PA 21.2   <sup>a</sup> 19.9 Mt 22.2   <sup>b</sup> 19.10 Ya 10.25-26; PA 22.8-9   <sup>c</sup> 19.11 Kap 96.13; Ais 11.4; PA 1.5; 6.2   <sup>d</sup> 19.12 Dan 10.6; PA 1.14; 2.17

mandawit. Iyi gin kalon da man unun nandisak, amin diwari dima nandaḡ. <sup>13</sup>eImal dubak pagit unun yawi madepsikon anḡbim abi naḡ pagit. Mani unun Piḡkop Dakon Gen. <sup>14</sup>Kwen Kokup dakon emat amin unun osni kwakwagi unudon yigek yol anan kiwit. Imal kwakwagisi gwaljigi minisi baḡ pawit. <sup>15</sup>fEmat agak siba geni tepmisi kindā, gen kaganigwan da wigit. Unun emat agak siba naḡ amin kabi morap miktimi miktimi egi anan kwan unun pabiḡ yopdisak.

“Ain kiriḡ naḡ abidaḡek amin kabi morap kilani tebaisi akdisak.”  
 Yaḡ anek wain sop piḡtil tip gapmakon wain sop bamaḡ tildisak.  
 Unun Piḡkop Tapmim Ami dakon butjapni dakon tilak asak. <sup>16</sup>gImal dubaknikon, ae sunḡlikon man yaḡ mandabi: “Kila Amin Madep Dakon Kila Amin Madepni, ae Amin Tagi Dakon Amin Tagini.”

<sup>17</sup>hAe gildaron anelo kindā akban kagim. Unun da minam kwen binap akwan do yaḡ tidaḡek yaḡ yoyigit, “Ji Piḡkop dakon jap noknok madep do abiḡ muwutni. <sup>18</sup>Anek kila amin madep dakon giḡtim timni noni, ae emat amin dakon mibiltok amini dakon giḡtim timni noni, ae amin tebai dakon giḡtim tim, ae os gat ae amin os kwenon yikgan amin dakon giḡtim tim, ae amin morap kisi dakon giḡtim timni noni: oman dima ekwan amin, ae oman amin, ae amin mani mini, ae amin mani toḡ kisi dakon giḡtim tim noni.”

<sup>19</sup>Ae joḡ kilap yokwisi gat, ae miktimi miktimi dakon kila amin madepni gat ae emat amini gat da abiḡ muwukgwit. Unun amin unun oskon yikgiḡ gat ae emat amini gat emat wam do anek muwukgwit. <sup>20</sup>iMani joḡ kilap yokwisi unun gat ae kombi amin toptopmi gat timikgwit. Kombi amin toptopmi unun joḡ kilap yokwisi da dabilon wasok tapmimi toḡ morapmi anek amin paḡkewalban tilakni abidawit, ae wupni wasanḡi do gawak imgwit. Joḡ kilap yokwisi gat kombi amin toptopmi gat dima kimagek egakwal gapma madep tip salfa unungwan tugawit da sosok unungwan maba piḡigimal. <sup>21</sup>Aḡakwa amin unun oskon yikgiḡ, unun da emat agak siba gen kaganikon tagit unun naḡ joḡ kilap yokwisi dakon emat amini kisi morap dapban kimakgwit. Aḡakwan minam morap da unun emat amin dakon giḡtimni naḡek buri tugawit.

### Sunduk bilak 1 tausen yaḡ dam tebanon egiḡgut

**20** <sup>1</sup>JKili kaḡapbo anelo kindā Kwen Kokup yipmanḡ pigit. Kisirikon gapma kidagi mini dakon yoma witdal abidaḡit, ae nap teban madepsi kindā kisi abidaḡit. <sup>2</sup>kUnun da nugim yokwisi madep kalipsigwan egiḡgut unun abidaḡit. Mani kindā Kon, ae mani kindā Sunduk yaḡ yoḡ. Anelo da nap teban naḡ wamaḡ anḡteban aban bilak

e 19.13 Ais 63.1-3; Jn 1.1,14 f 19.15 Kap 2.9; PA 1.16; 14.20 g 19.16 PA 17.14

h 19.17 Esi 39.17-20 i 19.20 PA 13.12-17; 20.10 j 20.1 PA 9.1 k 20.2 WW 3.1; PA 12.9

1 tausen egipgut. <sup>3</sup>Kili aŋelo da maban gapma kidagi minikon pigigit. Pigakwan gapma uŋun dakon yoma sopmaŋek tebaisi aŋteban agit. Miktim amin morap aripmi dima paŋkewaljak, yaŋ do agit. Uŋun bilak 1 tausen mudanakwan don yipmaŋ dekba bisap pisipmisok galaktoknikon egipdisak.

<sup>4</sup>Ae kila amin madep yityit tamo pindakgim. Uŋun tamokon amin uŋudon yikgwit. Piŋkop da gen kokwin ani do yaŋ mudan yomgut. Ae amin uwal da tegi mandan dagaŋek dapba kimakgwit, uŋun dakon wupni pindakgim. Kalip uŋun amin da Piŋkop dakon gen tebaisi abidaneŋek, Yesu do yaŋ tetenok aŋakwa uwal da dapba kimakgwit. Uŋun amin joŋ kilap yokwisi gat ae wupni wasanbi gat do dima gawak imgwit, ae uŋun dakon tilakni inamnikon ae kisitnikon dima timikgwit. Uŋun amin egip egip aeni abidaneŋek Kristo gat kila amin madep egakwa bilak 1 tausen agit. <sup>5</sup>Uŋun wasok wasok amin kimoron da pidoŋ amin. (Amin diwari kimakgwit uŋun bisapmon egip egip dima abidawit. Uŋun bilak 1 tausen mudanakwan don egip egip abidokdan.) <sup>6</sup>Amin uŋun wasok wasoksi aeni pidoni amin uŋun kisik kisik tagi ani. Piŋkop da uŋun amin iyi do manjigit, do kosiri kinda gat aripmi dima kimotdan. Uŋun Piŋkop ae Kristo dakon mukwa sogok amin egek Kristo gat bilak 1 tausen kila amin madep egipdan.

### Sunduk tasik tagit

<sup>7</sup>Bilak 1 tausen uŋun mudanakwan, gapma kidagi mini dakon yoma witalakwa Sunduk dam tebani yipmaŋ abigikdisak. <sup>8</sup>Uŋun waŋga abigek miŋat aminyo miktimi miktimi ekwan uŋun paŋkewaldisak. Uŋun amin kabi mani Gok ae Megok yaŋ joŋ. Sunduk da emat ani do paŋmuwutdisak. Emat amin kabini dakon tilakni uŋun tap kidipmiŋon niman toŋ yombem morapmisi. <sup>9</sup>Uŋun miktimi miktimi da apgwit. Abiŋ Piŋkop dakon miŋat amin kabi gat ae kokup pap Piŋkop da si galak taŋ imisak uŋun gat aŋgwasiwit. Mani Kwen Kokup da kindap da piŋ emat amin uŋun soŋ yoban mini awit. <sup>10</sup>Sunduk da amin paŋkewalgit, do Piŋkop da Sunduk maban gapma madep tip salfa tepmisi soson uŋudon pigigit. Joŋ kilap yokwisi gat ae kombi amin toptopmi gat uŋun bamot uŋun gapmakon kili egipgumal. Uŋun amin kapbi kalbi ae gildari tepmi madepsi bisap mudok mudogi mini paŋegipdan teban.

### Gen pi madepsi noman tagit

<sup>11</sup>Uŋun da kwenon kila amin madep yityit tamo madep kwakwagi kinda taŋban kagim. Ae uŋun tamokon amin kinda yikban kagim.

<sup>1</sup> 20.4 Dan 7.9,22,27; 1Ko 6.2; PA 13.17    <sup>m</sup> 20.6 PA 1.6    <sup>n</sup> 20.8 Esi 38.2,9,15-16  
<sup>o</sup> 20.9 2KA 1.10    <sup>p</sup> 20.10 Kap 11.6; PA 19.20; 21.8

Aṅakwan miktīm gat ae kundu gat yipmanḡ dek kīgimal. Ae saṅbeṅek dima tagimal. <sup>12</sup>ʳAmin kimakbi pindakgim. Uṅun amin mani toṅ, ae mani mini, uṅun kila amin madep yityit tamokon noman akgwit. Kili aṅelo da papia di kwiniḡgwit. Ae papia kinda kisi kwiniḡgwit, uṅun egip egip dakon papia. Aṅakwan Piṅkop da uṅun papiakon gen tawit uṅun pindagek amin kimakgwit uṅun dakon aṅpak kalip awit uṅun kokwin agit. <sup>13</sup>ʳAe amin kalip tap idapḡwan kimakgwit uṅun kisi Piṅkopmon kwa aṅpak morap kalip awit uṅun kokwin agit. Ae kimot gat ae Amin Kimakba Yopbi Tamo uṅun bamot yum pindagakwal amin kimakgwit uṅun Piṅkopmon kwa amin kalonḡ kalonḡ da aṅpak kalip awit uṅun pindagek kokwin agit. <sup>14</sup>Kili kimot gat ae Amin Kimakba Yopbi Tamo uṅun maban pakbi idap kindap sosok uṅudon pigigimal. Pakbi idap uṅun kindap sosok uṅun amin kosiri kinda gat kimokḡonḡ dakon tamoni. <sup>15</sup>Amin morap mani egip egip papiakon dima toṅ uṅun kisi maba pakbi idap kindap sosok uṅudon pigiwit.

## Piṅkop da yo morap paṅkaluk akdisak

(Kilapmi 21–22)

### Kundu kalugi gat ae miktīm kalugi gat pindakgim

**21** <sup>1</sup>ʳUṅun da kwenon nak kundu kalugi gat ae miktīm kalugi gat pindakgim. Kundu mibiltogḡ gat miktīm mibiltogḡ gat uṅun kili wagil kiṅ pasilgimal. Ae tap idap saṅbeṅek dima tagit. <sup>2</sup>ʳAe Piṅkop dakon telagi kokup pap uṅun kagim. Uṅun Jerusalem kalugi. Uṅun koko Piṅkop gat egipgumal, da Kwen Kokup yipmanḡ dek pigit. Uṅun tilimni tagisi, miṅat da amin pak do tagap taṅek tilimni tagisi pasak uṅuden. <sup>3</sup>ʳAe kila amin madep yityit tamokon da amin tek kinda madepsi yaṅ tidaṅban nandagim, “Nandani. Abisok Piṅkop dakon yut amin da binapmon taṅakwan iyi dakon miṅat amin kabini egipni. Asi, Piṅkop iyi uṅun gat egipdaṅ. Aṅek uṅun dakon Piṅkopni egipdisak. <sup>4</sup>ʳUṅun kabikon kunam pakbi morap dabilikon toni uṅun kisisi wiririkban kunam saṅbeṅek dima tatdaṅ. Ae amin saṅbeṅek dima kimotdaṅ, ae but yokwi aṅek saṅbeṅek kunam dima tatdaṅ, ae tepmi saṅbeṅek dima pakdaṅ. Nido miktīm kalipmi gat yoni kalipmi gat uṅun kisisi pasil mudokdaṅ.” <sup>5</sup>ʳAmin uṅun kila amin madep yityit tamokon yikgit, uṅun da yaṅ yagit, “Nandani, yo morap abo kalugi aṅ mudonḡ.” Aeni saṅbeṅek yaṅ

ḡ 20.12 Dan 7.9-10; Mt 25.31-46; Ya 17.31; 2Ko 5.10; PA 13.8 ḡ 20.13 Ro 2.6; 1Pi 1.17; PA 2.23; 22.12 ḡ 21.1 Ais 65.17; 2Pi 3.13 ḡ 21.2 Ais 52.1; 61.10; Ibr 11.16; 12.22; PA 3.12 ḡ 21.3 MS 26.11-12; Esi 37.27; Sek 2.10; 2Ko 6.16 ḡ 21.4 Ais 35.10; 65.19; PA 7.17 ḡ 21.5 2Ko 5.17

yagit, “Gen on mandaki. Nido gen gayisat unun bamisi. Amin morap kisi da unun do tagi nandan gadagi.” <sup>6</sup>Yañek yañ nayigit, “Pi unun mudosok. Nak Wasok Wasoksi ae Mibisi egisat. Pi morap asat unun wasip añañ asat. Amin kinda tegi bap tosak kañ, nak da yipbo pakbi dabil egip egipmi toñ ae yumañ nogi mini unun nosak.” <sup>7</sup>Amin kinda emaron teban tosak kañ, nak da unun yo morap ibeñ. Añek nak da Piñkopni egapbo unun da monjino egipjak. <sup>8</sup>Mani amin pasalek duwalik pukwañ, ae nandan gadat dima añ, ae añañpak yokwisi morapmi añ, ae amin dapba kimokgoñ amin, ae amin yumabi añ, ae sot mawomyo añek yo tapmimi toñ pawilgañ amin, ae kokup kidat do gawak yomañ amin, ae amin morap top yoñ, unun iyi da kokupmon pigikdan. Unun pakbi idap kindap tepmini madepsi salfa tip da soson unun. Unun amin kimot kosiri kinda gat añ unun dakon tamoni.”

### Jon da Jerusalem kalugi kagit

<sup>9</sup>Kili aņelo kinda nagon apgut. Aņelo unun aņelo 7 kabi idap madepmon Piñkop dakon butjap mudosak do amin paņupbal ak dakon yo yokwisi 7 kabi timikgwit unun kabikon nani kinda. Aņelo yañ nayigit, “Gak apbi Sipsip Moniñ dakon miñatni abisok pakdisak unun goliko.”

<sup>10</sup>“Kili Telagi Wup da butnokon pigi madepsi tugañakwan aņelo unun da nak bedañ aņki ileñ madepsi ae kwensi kinda unudon nepgut. Aņki nepmañek Piñkop dakon kokup pap Jerusalem noligit. Unun koko Piñkop gat egipgumal, da Kwen Kokup yipmañ dek piñban kagim. <sup>11</sup>Piñkop dakon tilimi madepni unun kokup papmon teñteñagit. Teñteñini unun ŋwakŋwarisi, tip yumañ nogi wukwisi dakon teñteñini yombem. Unun tip jasper yombem da yañ teñteñagit. Unun glas yombem gwaljigi minisi. <sup>12</sup>“Kokup pap yoma nagalni unun kwensi. Unun yoma kagani 12 kabi, ae aņelo 12 kabi unun yoma kagakon akgañ. Añakwa Israel amin kabi 12 dakon man yoma domon tawit. <sup>13</sup>Nagal unun dakon diwari gildat da wisak tetgin do yoma kagani kapbi tawit. Ae not tetgin nani do yoma kagani kapbi tawit. Ae saut tetgin nani do yoma kagani kapbi tawit. Ae nagal unun dakon diwari gildat da pigisak tetgin nani do yoma kagani kapbi kisi. <sup>14</sup>Kokup pap unun dakon nagal tebaisi tosak do kwiñjiri tip daman 12 kabi mibilikon tawit. Sipsip Moniñ dakon yabekbi 12 kabi dakon mani unun tipmon tawit.

<sup>15</sup><sup>d</sup>Aņelo gen nayigit unun da kaliñ kiriñ gol bañ wasaņbi kinda abidagit. Unun nañ kokup pap gat, ae nagal madepni unun gat, ae nagal unun dakon yoma kagani tilak yop do abidagit.

× 21.6 Ais 55.1; Jer 2.13; Jn 7.37; PA 1.8,17; 22.17    y 21.7 2Sa 7.14; 1KAG 17.13;  
 Kap 89.26-27    z 21.8 Mt 25.41; PA 20.15; 22.15    a 21.10 Esi 40.2    b 21.11 Ais 60.1-2,19  
 c 21.12-13 Esi 48.30-35    d 21.15 Esi 40.3; PA 11.1

<sup>16</sup>Kokup pap dakon ileŋi 4 kabi dakon tilakni uŋun kalonŋi gin. Dubagini ae madepni uŋun kisi aripŋinsi. Aŋelo da kokup pap kalin kiriŋni naŋ tilak yipban 2,200 kilomita da arip agit. Kokup pap dakon ileŋi 4 kabi dakon tilakni gat, ae kokup pap dakon kwen nani kisi dakon tilakni uŋun aripŋinsi. <sup>17</sup>Ae kokup pap dakon nagal kisi tilak yipgut. Yaŋ aban nagal kwen wigigit dakon tilakni 65 mita da arip agit. Tilak yopyop uŋun amin da tilak yopmaŋgaŋ uŋun naŋŋin aŋelo da nagal dakon tilak yopgut.

<sup>18</sup><sup>e</sup>Kokup pap dakon nagal uŋun tip jasper baŋ wasaŋbi. Aŋek kokup pap uŋun gol jimjimi minisi baŋ wasaŋbi. Kokup pap uŋun dakon gol uŋun glas yombem gwaljigi minisi. <sup>19</sup>Kokup pap dakon nagal dakon teban tokni uŋun Piŋkop da tip yumaŋ nogi wukwisi mibili mibili uŋun baŋ paŋtilim agit. Tip 1 tagisi nagal mibilon tagit uŋun tip jasper. Ae tip 2 uŋun tip pili uŋun tip sapaia. Ae tip 3 uŋun tip aget. Ae tip 4 uŋun kalikaligi, uŋun tip emeral. <sup>20</sup>Ae tip 5 uŋun tip sadonikis, uŋun gami kwakwagi kisi. Tip 6 uŋun tip giman konilian. Ae tip 7 uŋun kilonkilonŋi, uŋun krisolait. Ae tip 8 uŋun tip kalikaligi ŋwakŋwari kinda uŋun beril. Ae tip 9 uŋun tip kilonkilonŋi ŋwakŋwari kinda uŋun topas. Ae tip 10 uŋun tip krisopres. Tip 11 uŋun tip aiasin. Ae tip 12 uŋun tip gami ŋwakŋwari kinda tip ametis. <sup>21</sup>Yoma kaga 12 kabi uŋun pel 12 kabi, uŋun kindiriŋ yumaŋ nogi wukwisi. Yoma kalonŋ kalonŋ pel madep kalonŋ kalonŋ baŋ wasaŋbi. Kokup dakon kosit pap uŋun gol baŋŋin wasaŋbi. Gol uŋun gwaljigi minisi glas yombem.

<sup>22</sup>Uŋun kokup papmon Telagi Yut Madep kinda dima taŋban kagim. Nido, Amin Tagi Piŋkop Tapmim Ami gat ae Sipsip Moniŋ gat da iyi Telagi Yut Madep da yaŋ egipgumal. <sup>23</sup><sup>f</sup>Uŋun kokup papmon gildat gat kanek gat pini mini. Nido, Piŋkop dakon tilimni da kokup pap teŋteŋaŋ imisak. Aŋakwan Sipsip Moniŋ uŋun kokup pap dakon lamni da yaŋ egisak. <sup>24</sup><sup>g</sup>Amin miktimi miktimi egi aŋaŋ kwaŋ da uŋun kokup pap dakon teŋteŋikon agipdaŋ. Aŋakwa miktimi miktimi dakon kila amin madep da yoni tagi uŋun yumaŋ nogi wukwisi uŋudon paŋopdaŋ. <sup>25</sup><sup>h</sup>Uŋun kokup papmon pilin kinda dima tokdisak, do kokup pap dakon nagal dakon yoma dagok dagogi mini pisokdaŋ. <sup>26</sup>Amin miktimi miktimi egi aŋaŋ kwaŋ uŋun yoni tilimi tagisi toŋ gat ae man madep imim aŋpakni kisi timigek uŋudon paŋopdaŋ. <sup>27</sup><sup>i</sup>Mani pilin tuk dakon yo gat, ae amin aŋpak yokwi mibili mibili aŋ gat, ae top yoŋ amin uŋun kokup papmon dima pigini. Miŋat aminyo Sipsip Moniŋ dakon egip egip papiakon mani toŋ, uŋun daŋin uŋun kokup papmon pigikdaŋ.

<sup>e</sup> 21.18-21 Ais 54.11-12    <sup>f</sup> 21.23 Ais 60.19-20; PA 22.5    <sup>g</sup> 21.24 Ais 60.3,5

<sup>h</sup> 21.25 Ais 60.11    <sup>i</sup> 21.27 Ais 52.1; Esi 44.9; 1Ko 6.9-10

## Jon da egip egip pakbi gat ae egip egip kindap gat pindakgit

**22** <sup>1</sup>Kili aŋelo uŋun da pakbi madep kinda noligit. Uŋun egip egip yomyom pakbi. Uŋun glas yombem gwaljigi minisi agit. Pakbi uŋun Piŋkop gat ae Sipsip Moniŋ gat da kila amin madep yit yit tamogwan da pak abigisak. <sup>2</sup><sup>k</sup>Pak abigi kokup pap da kosit madep da binapsi naŋ pak kisak. Pakbi da ileŋi teri teri egip egip yomyom kindap akdak. Kindap uŋun bilak kinda da butgwan bami pot do kosiri 12 yaŋ aŋ aŋ asak. Kanek morap kisi bami taŋ taŋ asak. Ae kindap uŋun dakon tami uŋun amin miktimi miktimi egi aŋaŋ kwaŋ uŋun sotni paŋmilip ak do toŋ. <sup>3</sup>Yo morap jobit pabi uŋun yo morap saŋbeŋek ae dima tokdaŋ. Piŋkop gat ae Sipsip Moniŋ gat dakon kila amin madep yityit tamo uŋun kokup papmon tosak. Ae Piŋkop dakon oman amin da gawak imdaŋ. <sup>4</sup><sup>l</sup>Gawak imiŋek tomno dabilni kokdaŋ, ae Piŋkop dakon mani oman amini da iŋamnikon tokdisak. <sup>5</sup><sup>m</sup>Pilin ae saŋbeŋek dima tokdisak. Aŋakwan lam gat ae gildat gat pini mini, nido Amin Tagi Piŋkop da iyi miŋat amin teŋteŋaŋ yomdisak. Aŋakwan oman monjini kila amin madep dagok dagogi mini egi wigikdaŋ.

<sup>6</sup><sup>a</sup>Aŋelo uŋun da yaŋ nayigit, “Gen uŋun bamisi. Amin morap kisi da uŋun do tagi nandaŋ gadagi. Piŋkop Amin Tagi da kombi amin dakon wup paŋtagap aban geni yaŋ teŋteŋoŋ. Uŋun aŋeloni yabekban abiŋ yo tepmisi noman togi uŋun oman monjini nin noligit.”

## Yesu apdisak

<sup>7</sup><sup>o</sup>Yesu da yosok, “Nandani! Nak kili uŋunjok apdisat. Miŋat aminyo kombi gen on papiakon toŋ uŋun guramikgaŋ, uŋun kisik kisik ani.”

<sup>8</sup><sup>p</sup>Nak Jon da gen on nandaŋek yo uŋun pindakgim. Yo uŋun nandaŋ pindakyo aŋ mudaneŋ aŋelo uŋun yo morap noligit uŋun da kandap mibilon ŋwakbeŋ aŋek gawak im do agim. <sup>9</sup>Mani yaŋ nayigit, “Yaŋ dima abi! Nak kisi oman amin gin. Nak gak gat ae kombi amin kabi notgoni uŋun dakon pi isalji, ae amin morap on papiakon gen toŋ uŋun guramikgaŋ amin uŋun dakon pi isalni. Piŋkop kaloŋ naŋgin gawak ibi.” <sup>10</sup>Yaŋ nayiŋek sigin yaŋ yagit, “Kombi gen on papiakon toŋ uŋun dima sopmaŋ aŋteban abi. Nido, Piŋkop da yo morap uŋun akdisak dakon bisap kili kwaŋ tak. <sup>11</sup><sup>q</sup>Amin aŋpak yokwi aŋ, uŋun yum pindagakwa saŋbeŋek ani. Ae amin aŋpak iŋan iŋani aŋ, uŋun yum pindagakwa saŋbeŋek ani. Ae amin aŋpak kilegisi aŋ, uŋun yum pindagakwa saŋbeŋek ani. Ae amin telagi ekwaŋ, uŋun yum pindagakwa telagi sigin egipni.”

j 22.1 Esi 47.1 k 22.2 WW 2.9; Esi 47.12; Jol 3.18; Sek 14.8 l 22.4 Mt 5.8;  
PA 3.12 m 22.5 Dan 7.18,27; PA 5.10; 20.6; 21.23,25 n 22.6 PA 1.1 o 22.7 PA 1.3  
p 22.8-9 PA 19.10 q 22.11 Dan 12.10

<sup>12</sup>Yesu da yaŋ yaŋgit, “Nandani, nak tepmisi apdisat. Miŋat amin morap tomni yom do apdisat. Anpak awit dakon kobogi do tomni anpak awit da aripmon yomdisat. <sup>13</sup>ⁱNak Wasok Wasoksi ae Mibisi egisat. Nak mibiltok egisat, ae buŋonsi egisat. Nak yo morap dakon mibili. Pi morap asat uŋun wasip aŋ aŋ asat.”

<sup>14</sup>ⁱAmin pabi piŋik dubakni sugoŋ uŋun kisik kisik tagi ani. Uŋun da egip egip yomyom kindap dakon bami tagi paŋ noni, ae uŋun da kokup pap da yoma kaga naŋ tagi piŋini. <sup>15</sup>ⁱAnakwa amin anpak yokwisi aŋ amin gat, ae amin sot wamwam aŋek yo tapmimi toŋ pawilgaŋ amin gat, ae yumabi aŋ amin gat, ae amin dapba kimokgoŋ amin gat, ae kokup kidat gawak imaŋ amin gat, ae amin anpak toptopmi do galak taŋek yolgaŋ, uŋun amin morap Piŋkop dakon kokup pap da waŋga egipdaŋ.

<sup>16</sup>ⁱ “Nak Yesu, nak da aŋelono yabekgo jikon obik da paŋmuwukbi jikon gen on yaŋ teŋteŋosok. Nak kila amin madep Dewit da babi kabikon da guŋi wuŋit uŋun nak mani. Ae nak Dewit Dakon Monji, ae nak Wisawisa Dakon Gik Pap Madepsi Teŋteŋosok uŋun.”

<sup>17</sup>ⁱTelagi Wup gat ae miŋat uŋun Sipsip Moniŋ pakdisak gat da yaŋ yomal, “Gak apbi.” Ae amin morap gen on nandani ji kisi yaŋ yoni, “Gak apbi.”

Amin kinda tegi bap tosak kaŋ tagi apjak. Amin kinda pakbi nok do nandisak kaŋ, uŋun amin abiŋek egip egip yomyom pakbi tagi nosak. Uŋun Piŋkop da but galak do yumsi nimisak.

### **Jon da gen on papiakon toŋ uŋun nandani amin do gen tebaisi yipgut**

<sup>18</sup>ⁱNak da on papiakon kombi gen toŋ uŋun nandani amin morap do gen tebai yipmaŋdat. On gen tosogon amin kinda gen kinda gat saŋbesak kaŋ, amin paŋupbal ak yo yokwisi on papiakon toŋ, uŋun Piŋkop da saŋbeŋban uŋun aminon noman taŋ imdaŋ. <sup>19</sup>ⁱAe amin kinda da kombi gen on papiakon toŋ di wiriritjak kaŋ, Piŋkop da yo tagisi on papiakon toŋ uŋun wiririk imjak. Anakwan uŋun amin egip egip yomyom kindapmon jap dima paŋ nosak, ae Piŋkop da telagi kokup papmon uŋudon dima egipjak. On papiakon uŋun dakon geni toŋ.

<sup>20</sup>ⁱOn yo morap do yaŋ teŋteŋok asak amin da abisok yaŋ yosok, “Asisi, nak kilisok uŋun apdisat.”

Asi, Amin Tagi Yesu gak apbi. <sup>21</sup>ⁱAmin Tagi Yesu dakon nandaŋ yawotni uŋun Piŋkop dakon miŋat amin kabikon tosak.

---

ⁱ 22.12 Ais 40.10; Jer 17.10; PA 2.23    ⁱ 22.13 Ais 44.6; PA 1.8,17; 21.6    † 22.14 WW 2.9; 3.22    ⁱ 22.16 IDT 24.17; Ais 11.1,10; Ro 1.3; PA 2.28; 5.5    √ 22.17 Ais 55.1; PA 21.6  
 ⁱ 22.18-19 GT 4.2; 12.32    × 22.20 Mt 24.30-31; 1Ko 16.22